


Ilanngussaqq P



Aningaasaqarnermut Akileraartarnermullu Ataatsimiititaliap
Att.: Sakarias Amondsøn
/tamassa

Aningaasaqarnermut Akileraartarnermullu Ataatsimiititaliap AIS2015-imut
apeqqutai, allaganngorlugit akissuteqarfigisassat

05-05-2015
Sags nr. 2014-108959
Dok. nr. 1957259

3.4. Immikkoortoq 2, Aningaasaqarnikkut ingerlatsinermi anguniakkat.

Apeqqut a)-mut Naalakkersuisut akissutaanni oqaaseqatigiit siulliit
ersernerlulaarsorinarput. Paatsoortoqaqqunagu akissut ersarinnerusumik
oqaasertalioqqullugu Naalakkersuisut qinnuigineqarput.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@naanoq.gl
www.naalakkersuisut.gl

Akissut:

*Akissuteqarnermi oqaaseqatigiinni siulleg tassaasimavoq: "Aappaa,
aningaasaqarnermillu politikki inuiaqatiginni aningaasaqarnikkut
anguneqarsinnaasutut siuarsarnej".*

*Imatut allassimasussaagaluarpoq: "Aningaasaqarnermik politikki
anguniakkap aappaa tassaavoq inuiaqatiginni aningaasaqarnikkut
anguneqarsinnaasutut siuarsarnej".*

3.6. Immikkoortoq 3, Aningaasaqarnikkut inissisimaneq.

"Kiisalu aalisakkanut pisassiissutit iluarsineqarnerat" qanoq isumaqartinneqarpa?
Pisassiissutit amerliniarneqarpat? Allatut agguanneqarniarpat? Tamannalu
suliffissaaleqinerup annikillisarneqarneranut qanoq sunniuteqassava?

*Akissut: "Kiisalu aalisakkanut pisassiissutit iluarsineqarnerat"-nik isuma
tassaavoq uumassusillit pillugit siunnersuinermit tunngatillugu pisassat
iluarsineqarnissaat. Pisassiissutit aalajangerneqartarneri uumassusillit pillugit
siunnersuinerit tunngavigalugit pisarput. Assersuutigalugu 2007-imi Kitaani
kinguppattassat 134.000 tonsinit 2015-imi 73.000 tonsinut ikileriatinneqarput,
kinguppanni ikileriaatit pillugit biologit nalilersuinerit tunngavigalugit.
Kinguppattassat ikileriarnerisa immikkut isigalugu suliffissaaleqinerup
annertusineranut ilapittuuteqarpoq. Imartami pisassiissutinik nutaanik, soorlu
makrelinik, ammassassuarnik saarullernanillu aalisarnermi ineriartortitsineq
suliffinnik nutaanik pilersitsillunilu suliffissaaleqinermik annikillisaasinnaavoq.*

3.8 Immikkoortoq 3.1, Akiitsoqarnerup nikerarnera.

Mittarfinnik sanaartornerup taarsigassarsinikkut aningaasalersorneqarnissaa Naalakkersuisut ataatsimiititaliap apeqqutaanut b)-mut akissumminni isumaliutigigaat ataatsimiititaliamit maluginiarneqarpoq. Aningaasaqarnikkut siuariartornissamut siunissamut takussutissiat Assartuineranut Isumalioqatigiissitap isumaliutissiissutaani oqaatigineqartut siunissami taarsigassarsisinnaanernut taakkununga suli aallaaviuppat imaluunniit aningaasaqarnikkut maanna inissisimaneq pissutigalugu siuariartornissamut naatsorsuutigisat appasinnerutinissaat Naalakkersuisunit pissutissaqarsorineqarpa?

Akissut: Mittarfinnik aningaasalersuinissamik aalajangersimasumik Naalakkersuisut aalajangiussaqarsimangillat, periarfissalli assigiinngitsut isumaliutigaat. Ilaannakortumik taarsigassarsineq periarfissanut ilaavoq, taannalu soorlu ingerlatseqatigiiffinnit namminersorlutik oqartussat pigisaannit aalajangersimasunit immikkut ittutut iluanaarutit, sanaartornernullu kontoni allani sipaarutaasut assigalugit nalilersorneqassallutik.

Ingerlatseqatigiiffinnit immikkut ittutut iluanaarutaasinnaasut iluserisat pitsangorsaavigalugit suliarisassanut atorneqassanerat Naalakkersuisut aningaasaqarnikkut politikkiani tunngavigisat ilagaat. Allatut oqaatigalugu annertunerpaamik inuiaqatigiinni aningaasaqarnikkut ihuagutaasumik pissarsiviuffimmi, aammattaarlu piffissamut ungasissumut aningaasaqarnikkut politikkikkut attassisinnaanerup iluarsinissaanut ilapittuiffigisinnaasaanut aningaasaatit atorneqassapput.

2012-imi apriliimi taarsigassarsianut aningaasaliinermullu periusissiami oqaasertalerneqarsimasunut Kalaallit Nunaanni taarsigassarsiat allanngoriartornerinut tunngavigisassat pingaernerit sisamat mittarfinniut suliniutinut taarsigassarsisinnaanerit naapertuutsitsissapput. Suliniutinut tamakkiisumik imaluunniit ilaannakortumik taarsigassarsivigineqarlutik aningaasalikkanut business-case pigisariaqarpoq, taamaalilluni atuisut akiliutigisaat taarsigassarsiani ernianik akilersukkanillu akiliuteqarsinnaanissaat qulakkeerneqassammat. Tamanna namminersorlutik oqartussat taarsigassarsianut aningaasaliinermullu periusissiaani napatitsisutut tunngavigisaavoq, taassumalu Kalaallit Nunaata taarsigassarsiarisani aniguiiffiusinnaanngisamut inississannginnera qulakkiissallugu. Aammattaaq qaqugumulluunniit tassanngaannartutut pinngortunik aningaasaqarnikkut ajornartorsiulertoqarneratigut namminersorlutik oqartussat aningaasaqarnikkut iliuuseqarsinnaassusaanik attassinisaaq qulakkeerinissarlu pingaartuuvog. Taarsigassat aningaasaqarnikkut iliuuseqarsinnaassutsimik killiliipput, taamaattumillu naammoginartumik inissisimaffeqartittariaqarlutik.

Aningaasaqarnermi siuariarnermik aqutissiuussisumut mittarfinnik sanaartornerit inuussutissarsiornermi takornariartitsinermilu ineriartortitsineq tapersersussavaat, taamaalillutillu inuussutissarsiorfittut suliaqarfiusuni suliffinnik nutaanik pilersitsissallutik. Anguniagaq tassaavog sunniuteqarluarnerusumik attaveqarfegarnissaaq, timmisartunut mittarfinnullu aningaasartuutit tamarmiisut annikillisinneqassallutik. Saniatigut

mittarfiliornermik suliniutit, pisortanut kiffartuussinissamik isumaqatigiissutinik akiliutinik billettinullu aningaasartuutinik qularutigisassaannngitsumik peerutitsisut, aammalu piffissamut ungasissumut tunisassiaqarnermik annertusaasut annertuumik pingaartuutinneqarput.

3.15. Immikkoortoq 5.1, Ineqarnermut tunngasut

Apeqquut d) pillugu. Ataatsimiititaliap apeqqutaanut akissut "naamik"-tut paasineqassava? Akissut itisileqquneqarlunilu erseqqissaquneqarpoq.

Akissut: Eqqortumik paasineqarpoq. Ineqarnermik suliassaqarfimmi (illulioqataaffigalugit illut, piginneqatigiilluni inissiat, 20/20/60-imik taarsigassarsiat) ikiorsiissutitut tapiissutit pioreersut imminermi aningaasaqarnikkut naligiinnngittoqalernermit pinngitsoornatik ilapittuisuusut Naalakkersuisut isiginngilaat, aningaasaqarnikkut naligiinnngittoqarneq innuttaasut aningaasaqarnikkut pigisaasa nalillit, isertitaasa imaluunniit pisuussutigisaasa akornanni agguaqatigiinnerni assigiinnngissutaasut paasineqartarmat. Imminut inissiassamik pilersorsinnaanissamut pingaarnerpaatut tunngavigisat tassaapput; isertitarisat aalaakkaasut (pisariaqanngillat qaffasissutut inissisimaffeqarnissaat), aamma nammineq inissiassaminut isertitamini pingaarnersiuisinnaanermut piumassuseqarneq.

Taamaalilluni immikkut ittutut innuttaasup isertitai (tassalu ilinniagaqarneq suliffeqarnerlu) imminut inissiassamik pilersorsinnaanissamut pingaaruteqartuupput – aningaasaqarnermi nalingiissutsip equngalerneranik piginneqatigiinnermut uppernarsaat, illulioqatigiissutissat imaluunniit 20/20/60-imik taarsigassarsiaqarluni pigisatut inissiaq pinngortitsineq ajorput, aningaasarsiarisalli.

Aalisakkerivimmi ukiup ilaani suliffeqartarluni ilinniagaqarsimannngitsoq nammineq inissap pisiarinissaanut imaluunniit sanaartugarinissaanut periarfissiisumik ataavartumik, assigiiartumik isertitaqarajungilaq, paarlattuanilli ilinniartitsisoq imaluunniit ilinniagartooq, assigiiartumik isertitaqartuuartartoq nammineq inigisassamik pisiaqarnissamut imaluunniit sanaartornissamut periarfissaqartilirlugu isertitamini pingaarnersiuisinnaavoq.

Ineqarnermik suliassaqarfimmi maannakkut ikiorsiissutitut tapiissuteqartarneq taassuma annertussusaanut agguataarneramullu tunngatillugu tulluwartuuneranik erseqqinnerusumik misissuinissamik pisariaqartitsisoqarneranik Aningaasaqarnermut Siunnersuisooqatigiinnik Naalakkersuisut isumaqatigisaqarput.

Taamaattorli ineqarnermik suliassaqarfimmi aaqqissuusseqqinnerit annertunerusut takkuttussat sukumiisumik piareersarlugillu inissianik niuerfimmi annertuupilussuarmik nalornisoqalerlunilu akit annertunerusumik apparnissaannik pinnguisoqarani aaqqissuunneqarnissaat aalajangiisuussasoq

Naalakkersuisut isumaqarput. Misilittakkanut tunngatillugu taamatut pisogarnera nuttarnerulernermik kigaalagusersuissaq, innuttaasunut ataasiakkaanut aamma inuiaqatigiinnut tamarmiusunut.

3.16 Immikkoortoq 5.2, Mittarfiit

Naalakkersuisut mittarfinnik sanaartornissamut pilersaarutaanni mittarfinnik toqqaanermi suut isiginiarneqassanersut paasissutissiissutigineqassasut ataatsimiititaliamit kissaatigineqarpoq. Qaqortumi mittarfiliorsinnaanermi angallanneqarnissamik pisariaqartitsinerup saniatigut isiginiagassat tunngavigineqartussat Naalakkersuisut akissutiminni taasaqarfigissagaat ataatsimiititaliamit kissaatigineqarpoq.

Akissut: Siunissami attaveqarfiit ineriartortinnissaasigut, ilanngullugu Kalaallit Nunaanni mittarfiit ilusaasa ineriartortinnerisigut tamanna sianigisassat pingaarnerutitat pingasut aallaavigalugit – tutsuiginassuseq, ullutsinnut naleqqunneq ataqatigiissorlu – pissasoq Naalakkersuisut pingaartuutippaat.

Siunissami attaveqarfiit tutsuiginassapput, ukiorlu kaqjallallugu tatigineqarsinnaassallutik. Nunap immikkoortui akimorlugit, aallarfigalugillu tikiffiginissaanut nunap iluani ilaasut angalasinnaanissamik pisariaqartitaannik attaveqarfinni suliniutit takkuttussat isumaginnittarnissaannik tamanna isumaqarpoq. Attaveqarfiit atortussallu atorneqarsinnaasut imminnut naleqqussagaasimassapput, soorlulusooq attaveqarfinnik ineriartortitsineq siamasinnerpaatut annertussuseqartumik ilaatitat ataasiakkaat kiffartuussinissamik isumaqatigiissutinik taarsiisillugit pissasanera immikkoortitatut anguniagarisaalluni.

Aammattaag attaveqarfiit ullutsinnut naleqquttunngortillugit ineriartortinneqassapput, taamaalilluni ullumikkut ukiunilu takkuttussani angalasarnerup ihuserisaanut pingaaruteqartuusunut naleqqiullugit siusinnerusukkut attaveqarfinni ilaatitat ataasiakkaartillugit sanaartugaasarnerannik taarsiisoqartillugu ineriartortitsineq pitinneqassalluni.

Kiisalu attaveqarfiit ataqatigiissapput. Nunap immikkoortui nunallu ilai akimorlugit nunap pitsaanagerusumik ataqatigiissilernissaanut tamakkiisumik angallannikkut attaveqarfik aalajangiilluinnartuusutut Naalakkersuisut isigaat. Tassaavoq attaveqarfiliornissanut katersanik pingasunik, tamarmik nunap immikkoortuinik iluminni pitsaanagerusumik pituttuisunik, soorlulusooq allanut naleqqiutsillugit ineriartortitsinissamik pilersaarutininik imaqartunik Naalakkersuisut saqummiussilersaarnerannut tamanna pissutaavoq. Tassunga atatillugu mittarfiit ataasiakkaat immikkoortillugit isigalugit nalilersuinissamut pilersaarutit taakku naammattuunngitsut Naalakkersuisut pingaartuutippaat, ilaatitanik allanik immersugaasutut angallattarfup tamarmiusup nalilersornissaa pisariaqartuusooq.

Tamatuma saniaigut pitsaannerusumik aamma/imaluunniit tamakkerlugu isigalugu akikinnerusumik Kalaallit Nunaannit tamanilu maannakkut angalasarnernik pisariaqartitsinernik attaveqarfii tapersersuinissaat pingaartuutinneqarpoq, soorlulusooq nunap immikkoortuini nunamilu namminermi inuussutissarsiorfinni takornariatitsinermilu ineriartortitsinissamut periarfissanik attaveqarfii tapersersuinissaat pingaartinneqarlutik.

Oqortumi mittarfiliornissaq pillugu Naalakkersuisut pilersaarutaat suli iluarsiiussutissatut ilusiliat arlallit ilaaffigisaanniippoq. Inaarutitut iluarsiinissamik ilusissamik toqqaanerup qulaani pingaarnertut sianigisassat sapinngisamik amerlanerpaat piviusunngortinniassavaat, ilanngullugu immikkut ittumik nunap immikkoortuani pitsaannerusumik ataqatigiilersitsinissap angalanissamullu periarfissanik pitsaannerunernik qulakkeerinissaq. Naalakkersuisut maannakkut iluarsiiussutit tulluarnepaat qulakkeerneqarnissaa siunertaralugu Kommune Kujallermik erseqqinnerusumik oqaloqateqarniarnermik suliaqarput.

Piviusutut Nuup Kujataani nunap immikkoortuanut angallannikkut ilusilianik arlalinnik Naalakkersuisut suliaqarput.

Maannakkut UKA 2015-imut mittarfegarfinni suliassaqarfimmi aningaasaliinissanut tamakkiisumik pilersaarummut siunnersuutit saqqummiunnissaa Naalakkersuisut naatsorsuutigaat. Aamma sammisag taanna pillugu apequt 3.8-mut akissutaasoq takuuk.

3.23 Immikkoortoq 7, Missingiinerit nutaat aamma akinik akissarsianillu siumut naatsorsuineq

Namminersorlutik Oqartussani sulisut Kalaallit Nunaannut akileraartussaataasut pillugit naatsorsuineq suliarineqarsinnaava, taamaappallu taamaattup siunissami suliarineqartarnissaa Naalakkersuisunit kissaatigineqarpa?

Akissut: Kalaallit Nunaannut akileraartussaataasut pillugit Namminersorlutik Oqartussani sulisut nalunaarsuiffigineqarsinnaangillat. Tassunga patsisaasoq tassaavoq Namminersorlutik Oqartussani sulisut amerlassusaanni atorfinitsitaanerannullu pissutsini allannqortoqartuarnera. Nunami maani tamakkiisumik akileraartussaataasut Namminersorlutik Oqartussani sulisuusut amerlanerpaartarigaat qularutissaangilaq.

5.4 Konto pingaarneq 10.06.27 Suliffissuagarnermut pilersaarutitut annermut atatillugu arlaannaannulluunniit attuumassuteqanngitsumik paasiniaasussanut aningaasanik tapiissutit

Aningaasaateqarfimmut qinnuteqarnissami atugassatut maleruagassat maanna oqaasertalersugaanerat aningaasaateqarfimmut qinnuteqarusuttunut "qunulersitsisinnaasutut" Naalakkersuisunit isigineqarpat? Tassunga aamma tunngatillugu maleruagassat tapiissutinik pilersitsinermi siunertarineqartumut anersarineqartumullu naapertuuttumik sunniuteqartutut Naalakkersuisunit nalilerneqarpat?

Akissut: Maannakkut qinnuteqarusuttut maleruagassat maannakkut oqaasertalersugaanerat "qunulersitsisuusut" Naalackersuisut isiginngilaat. Paarlattuanik agguassassat pilersinnerannut siunertaasumut anersaarineqartumullu tunngatillugu maleruagassat erseqqissumik tassunga tunngasuunerat Naalackersuisut pingaartuutippaat. Agguassassat pilersinnerannut atatillugu kattuffiit tusagassiorfillu tunngatitaasut akornanni agguassassat ilisimaneqartinnissaannut tunngatillugu Naalackersuisut ornigunniarnerussamaarput.

5.7 Konto pingarneq 12.01.11 Namminersorlutik Oqartussat Københavnimi inissiaataat

Akunnittarfimmur akunnittarfinnur isumaqatigiissummi ilaasunut sanilliullugu inissiamiinneq qanoq akeqarnersoq paasissutissiissutigineqassasoq ataatsimiititaliamit kissaatigineqarpoq. Inissiamiinneq akikinnerusoq paasinarsissagaluarpat inissiamik atuineq Naalackersuisunit siunissami qanoq siuarsaavineqalersaarnersoq paasissutissiissutigineqassasoq ataatsimiititaliamit kissaatigineqarpoq.

Akissut: Ukiuni kingullerni pingasuni Københavnimi inissiaatigisami unnuisarnernut ataasiakkaanut agguaqatigiissillugu akit (konto pingarneq 12.01.11-mi aningaasartuutit piviusut: ukiuni naatsorsuiiffimmi unnuisarnert amerlassusaat) tassaasimapput:

2012: 1.335 kr.
2013: 1.164 kr.
2014: 1.157 kr.

2014-imi qaammatini kingullerni pingasuni Kalaallit Nunaanni politikikkut pisogarnera pissutigalugu inissiaatigisaq atorneqanngimmat 2014-imut piviusutut agguaqatigiissillugu kisitsisaasoq tassaavog: 1.544 kr. allanut naleqqiullugu naatsorsorneqarluni (9/12-imik).

Namminersorlutik Oqartussat akunnittarfinnik isumaqatigiissutaanni ilaasutut Københavnimi akunnittarfinni ininut kisermaattarianut akit tassaapput:

Bella Sky Copenhagen: 995 – 1.495 kr. (pitsaassuseq/malittarisaq naapertorlugu assigiinngisitaarpog)

Hilton Hotel: 1.195 - 1.395 kr. (pitsaassuseq/malittarisaq naapertorlugu assigiinngisitaarpog)

Scandic Copenhagen: 1.000 kr.

Scandic Weber: 995 kr.

Taamaalillutik inissiaammi unnuinernut akit akunnittarfiit akiinut naleqqutikannersuupput, minnerunngitsumillu akunnittarfimmi inigisamut naleqqiullugu inissiaat atuisunut suliffittut malunnaatilimmik pitsaanipilussuarnik atugassaateqarnera (ini suliffik, qarasaasiaq, naqiterut il.il.) isiginiassagaanni. Taamaalillutik soorlu inissiap

atornegarnerulersinnissaa pillugu atuisartut amerlisinnissaat immikkut ittunik suliaqarnissamik patsisissaqanngitsog Naalackersuisut isumaqarput.

Kiisalu Naalackersuisut Siulittaasuata Naalackersuisoqarfianit naalackersuisoqarfiup pisortaanit malittarisassiat 9. august 2013-imeersut naapertorlugit atuisartuusut makkununga killegartitaanerat ilisimatitsissutigineqarsinnaavog:

Naalackersuisut Siulittaasuata, Naalackersuisuni ilaasortat sinneri, Inatsisartuni Siulittaasog aamma Naalackersuisoqarfinni pisortat (taamaallaalli Naalackersuisut Siulittaasuata Naalackersuisoqarfianit sioqqutsisumik isumaqatigiissuteqarnikkut).

6.7 Konto pingaarneq 20.11.51 Nutarterinerit sunniutaat

Apeqqutip matuma ataani imm. e-p aamma h-p akineqarnissaat ataatsimiiitaliamit amigaatigineqarpoq. Taamaattumillu apeqqutinut akissut ataatsimiiitaliamit ujartorneqarpoq.

Akissut: e) Maannakkut isertitarisat aallaavigigaanni ikiorsiissutaasut maannakkut pisariaqartitaasumut naleqqussarsimanegassapput. Ullumikkut akileraarutaasussatut isertitarisat aallaavigineqarput. Akileraarutaasussatut isertitaasut aatsaat ilisimanegalersarput akileraarutaasussat ukiup akileraartarfiup tulliani septembarip qaammataani inaarutaasumik naatsorsorneqaraangata.

Innuttaasup ukiumi pineqartumi tamakkiisutut isertitarisassamisut nammineq naatsorsuutigisaatut maannakkut isertitarisanik oqariaaseq nutaaq nassuiarneqassaaq. Tamanna kommuninit nakkutilliuarnernik ilalernegassaaq, taanna isertitat allanngornerini aningaasat iluarsinissaanut najoqqutassinneqassalluni.

Taamaattumik isertitani allanngornerit ullumikkut pisartunut naleqqiullugu ikiorsiissutini tunniunneqartuni piaarnerusumik takussuserneqarsinnaalissasut naatsorsuutigineqarpoq. Tamanna kikkunnut tamanut sunniuteqassaaq. Inuit piniarnermik aalisarnermillu imuussutissarsiutillit, taamaattumillu ukiumit ukiumut assut allanngorarsinnaasumik isertitaqartut maannakkut isertitarisanut naleqquttunngortitanik ikiorsiissutinik iluarsivigineqarsinnaassapput, taamaaliillutik maannakkut pisariaqartitanut naleqquttuulersinneqarlutik.

h) Nalinginnaasumik oqaaseqaatit pillugit immikkoortumi tamanna pillugu ataatsimiiitaliamit nalunaarsugaasog innersuutigalugu apeqqutip ilaanik h-mik itisiliisogarnissaq ataatsimiiitaliap noqqaassutigisimavaa. Taamaattorli nalinginnaasumik oqaaseqaatit pillugit immikkoortumi "soraarnerussutisiassanut akiliutini ilanngaatigisanik allannguutit" pillugit ataatsimiiitaliaq nalunaarsugaqanngiloq, paarlattuanik ilanngussani ajornartorsiutaasumik paasisitsiniaasinnaasunut sulisartut kattuffinut arlalinmut allakkat ilanngunneqarput. Allakkani danskini akileraartarnermut ministerimut Aningaasaqarnermut Naalackersuisup Anda Uldumip saaffiginnissutaa innersuutigineqarpoq, tassani maannakkut akileraartarnikkut iluanaarutinik

annaasaqarneranut Kalaallit Nunaata taarsiiviginninnissaa ministerip itigartitsissutigalugu. Kalaallit Nunaanni atorfinitsitsinermut atatillugu akiliuteqarfiusimasuni danskit soraarnerussutisinissamut aaqqiissutaanni soraarnerussutisinissamut aaqqiissutinit akileraartarnermit isertitat annaasat nassatarisaannit, sipaaruteqartuusulli akiliuteqarnermi piffissami Kalaallit Nunaanni akileraartuunnginneranit nassatarisatut annaasatut pinngorput. Danskit pensionskassiinut nunatsinnit akileraartartut 2014-imi 140 mio. kr.-ngajannik akiliuteqarsimanerat Akileraartarnermut Ministereqarfimmit Avingaasaqarnermut Naalakkersuisoqarfiup naatsorsuutigip tigusaata takutippaa – akiliutinit akileraarutini nalingisaasoq, tassalu akileraarutitigut isertitassat annaasat 58 mio. kr.-ngajannut naatsorsorneqarsinnaapput.

6.10 Konto pingarneq 20.16.01 Naatsorsueqqissaartarfik

Isumaginninnermut tunngasuni aammalu naligiissaarinnermut aaqqissuussinnermut atatillugu kisitsisitigut paasissutissat assigiissaakkat pigineqalermisnaannut immikkut aningaasaliissuteqarnissaq pisariaqassava?

Akissut: Isumaginninnermut naatsorsueqqissaarusiornermut aammalu isumaginninnermik suliassaqaqarfiup iluani aningaasartuuteqarfinni assigiinngitsuni kommunit aningaasartuutaannik assersuussinnermut atatillugu ajornartorsiutaasoq pingarneq tassaavoq kommunit aalajangiussatut malittarinnillutik qarasaasiatigut aaqqissuussivinnik atorneqarsinnaasunik atuisannginnerat, atugassarititatus kontonut pilersaarut aalajangiussatut malittarineqarnerata ajornera, aammalu kukkusumik kontonut inissiisogaqarnera. Kukkuernerit naleqquttuunngitsullu tamakku iluarsineqarpata kommunini missingersuutinik malittarinninnissamut periarfissaasunik nukittorsaanermik nassataqassaaq, tamannalu ilutigalugu isumaginninnermik suliassaqaqarfimmi naatsorsueqqissaarinnermut periarfissanik pitsanngorsaallunilu pitsaassusaannik pitsanngorsaassaaq.

Naligiissaarinnermut aaqqissuussinnermut atatillugu kontonut pilersaarutaasumi atuuttumi aallaaveqartumik naatsorsuinerit suliarineqarsinnaanngitsut kissaatigineqariartortillugit pilersaarutigisatut ERP-mik suliniutip ilagisaanut nutaamik ataatsimoorussatut pisortat kontonut pilersaarutaannut atatillugu ajornartorsiutaasoq inissinneqassaaq.

Suliassaqaqarfimmut immikkut ittumik tapiissuteqarnissamut pisariaqartitsisoqartoqanngitsoq nalilersuutigineqarpoq.

6.12 Konto pingarneq 20.30.07 Boligstøtte, ernianut akilersuutinullu

tapiissutit, ilanngaaseereerluni

INI-p ASA-llu akornanni isumaqatigiissuteqartoqarsimaneranik Naalakkersuisut paasissutissiinerat ataatsimiititaliamit maluginiarneqarpoq, taamaattoarli ineqarnermut tunngasuni pisortat suliassaasa isumagineqarnissaat eqqarsaatigalugu Namminersorlutik Oqartussanik suleqateqarnermi INI-p siunissami inissisimanissaa pillugu Naalakkersuisut qanoq anguniagaqarnermut pillugu paasissutissat suli qinnutigineqarlutik.

Akissut: Ininut attartortittakkanut siunissami INI-p piginnittuulernissaa pillugut Naalackersuisut takortuugaqarput. Taamaalillutik akisussaaffik ingerlatsinerlu ingerlaqatigiilissapput. Taamaalilluni inissiat aserfallatsaaliorninerinik sammisaqarluni ingerlatsinerinik pitsaanerusumik INI annertunerusumik qulakkeerisinnaavoq. Inissiat aserfallatsaaliorninerinut isertitanit iluanaarutit INI-p atussagai Naalackersuisut isumaqarput, aammattaarlu puaanermut aserfallatsaaliuinerinermullu atugassanik immikkut ittutut tapiissutinik INI aamma sulit ukiuni arlalinni pissarsisassasoq, taamaalilluni iluarsaattariallit angunegariartuaarsinnaassallutik.

6.24 Konto pingaarneq 24.11.26 Avaleraasartuunut akitsuut

Assigiinngisitaartumik akitsuusersuisinnaanerup Naalackersuisunit qanoq isumaqarfigineqarnerata erseqqinnerusumik nassuiaatigineqamissaa ataatsimiititaliamit kissaatigineqarpoq. Kiisalu avaleraasartuut sulit ukiuni qassini misileraatitut aalisarneqartussatut naatsorsuutigineqarnerisut paasissutissiissutigineqassasoq kissaatigineqarpoq?

Akissut: 2016-imit atuutilersussamik Naalackersuisut assigiinngisitaartumik akitsuusersuisitsisarniarput. Tamatuma saniatigut Avaleraasartuunut angallatit pillugit § 37-mi apeqqut nr. 105-imiittunut akissutit innersuutigineqassapput.

Aalisarneq maannakkut ukiunik pingasunik sivisussusilimmi Tunumi sumiiffimmi aalajangersimasumiissimavoq. Siorna misissuinerup aamma takutippaa manna tikillugu aalisarfusimasumit sumiiffimmit ungasissupilussuarmi sumiiffinni allani avaleraasartuunik amerlasuupilussuarnik pegartog. Siornamut naleqqiullugu sumiiffimmik sulit annertunerusumik ukioq manna misissuisogassaaq. Avaleraasartuut qanoq siammarsimatigineri tamakkiisumik ilisimaneqanngitsillugu aalisarnerup ilaata misileraalluni aalisarnerussanera naatsorsuutigisariaqarpoq.

8.6 Konto pingaarneq 30.10.45 Meeqqat inuusuttullu immikkut ittumik suliniuteqarfigineqarnerat

Kommunini meeqqanut tunngasumik suliassanik sularinnittarnerup nukittorsamissaa pillugu suliniuteqarneq Naalackersuisunit naliliiffineqarsimanersoq paasissutissiissutigineqassasoq ataatsimiititaliamit kissaatigineqarpoq. Naliliineq taamaattoq pigineqassappat nassiunneqassasoq ataatsimiititaliamit kissaatigineqarpoq.

8.10 Konto pingaarneq 30.12.09 Siusinaartumik pensionisiat

Akissummini Naalackersuisut allapput "Kommunini immikkoortortat – suliffissarsiuussisarfiit, Piareersarfiit inunnillu isumaginittogarfii akornanni ataqpeqatigiilluni suleqatigiittoqarnissaa pisariaqarpoq suliffissaaleqinerpaat suliffeqalersinniarlugit". "ataqpeqatigiilluni suleqatigiittoqarnissaa"-nik oqarnermini Naalackersuisut suna eqqarsaatigaat, maannalu taamaattoqanngippat ajornartorsiut qanoq aaqqinneqarsinnaasoraat. Piginnaanngorsaanerminik suliassat pisariaqartutut amerlassusillit suliniutissanut aggersunut atatillugu kommuninit tamakkiisumik isumagineqarsinnaasutut

Naalakkersuisunit isumaqarfigineqarpat? Taamaattoqanngitsoq
paasinarsissagaluarpas periarfissaq alla suua?

9.2 Konto pingaarneq 34.11.03 Dronning Ingridip Napparsimmavissua

Akissummi allassimavoq immikkut aningaasaliissuteqarnerup kingunerisaanik utaqqisarneq malunnaatilimmik sivikillisimasoq aammalu napparsimasut amerliartornerat maannakkut katsorsaaniikkut piginnaassutsimut naleqqutikannersoq. Naalakkersuisut akissutaat ima paasineqassava seqquusalertinniartut/siffiaasalertinniartut, isip igalaasartaata isigiarsulersimanageranut (gråstær) atatillugu suliaritinniartut, ujarattaajartinniartut aammalu siutiminna igalaasaminna putusoorsimallutik suliaritinniartut utaqqisarnerat siunissami naammaginarumik sivisussuseqartassasoq; inalukkamikkulli kræfteqalersimasutut pasineqartut amerliartornerisa kingunerissagaa suliaasaqarfimmut tassunga maanna immikkut aningaasaliissutaasartut amerlaqataannik immikkut ittumik aningaasaliissuteqartoqanngippat suliaasaqarfimmi tassani utaqqisut amerliartulererat?

Akissut: Utaqqisut ikilisinnissaannut immikkut ittutut aningaasaliissutit kissaatigisatut sunnuteqarsimapput, suliaasaqarfimmi amerlanerpaani suliat annertusisissimavaat, taamaalillutillu utaqqisut ikiliartortissimallugit. Utaqqisut misissornerini aamma nappaatit allanngoriartorfii innuttaasullu peqqinnissaqarfimmut saaffiginnittarneri misissortariaqarput. Peqqissuseq annertuneramik sammineqalerpoq, nappaatillu annermik ilisimaneqalerlutik, soorlu kræfti, taamaalillunilu tamatumuuna saaffiginninnerit misissuinerillu amerlanerulerput.

Isit pillugit suliat, saarngit pillugit suliat, siutit pillugit suliat aamma inalugarsuakkut kræfteqarnissaq pillugu pasisaqarluni napparsimasunik misissuineranut ilassutitut sulianut aningaasaliinertigut napparsimasut isumassugassat amerlineri maannakkut isumalluuteqarluni peqqinnissaqarfimmi isumassuinnissamut piginnaasanut oqimaatigiippasippoq. 2016-imit annertunerusutut nutaatut kiffartuussinerup inissisimaffia attatiinnassappat aallaaviatigut 2016-imit aningaasanut inatsimmi tamatumunnga aningaasaliissutissat naassaarineqassapput.

AIS 2016-ip piareersarnerata ilaatut tamatumunnga aningaasaqarnikkut pisariaqartitap qanoq annertussuseqarnissaa Naalakkersuisut misissueqqissaarfigissavaat, sianigalugit kiffartuussinissamik anguniagassat pingaaruteqarsinnaasut inissitsiternerit, tamatumunnga aningaasaliissutissanik nassaarniarsinnaanerit, siunertaralugu 2016-imit aningaasanut inatsisissatut isumaqatigiissutit takkuttussap ilaatut peqqinnissaqarfimmut tunngasumik ukiuni arlalinni atuuttussamik isumaqatigiissutit atsiuiffiginissaa, peqqinnissaqarfimmut sinaakkutinik pitsaasunik isumannaatsunillu tunisisussamik, tamannalu ilutigalugu suliaasaqarfimmi attassisumik aningaasaqarnikkut ineriartortitsisuusumik. Maannakkut aningaasanut inatsisissamut isumaqatigiinninniarnernut ingerlanneqartunut atatillugu apeqqutit oqaluserineqarnissaa naatsorsuutigineqareerpoq, soorluli

nalunaarsugaasutut unammillerfissaq aatsaat 2016-imiissaaq, 2016-imiillu aallartittumik nutaanik aningaasaqarnikkut sinaakkutissat inissinneri sioqqullugit erseqqissaanerusumik misissueqqissaarinissaq pisariaqartinneqarpoq.

9.5 Konto pingaarneq 34.12.02 Nunatsinni Peqqinnissakkut Ilinniartitaanikkullu suliniutit

Kontomi pingaarnermi matumani nuussinerit pillugit skemanngorlugu takussutissiaq nassiunneqassasoq ataatsimiititaliamit qinnutigineqarpoq.

Akissut: Ataani takussutissiami 34.12.01-imi, Nunatsinni Peqqinnissakkut Ilinniartitaanikkullu suliniutini nuussinerit takuneqarsinnaapput. Peqqinnissaqarfimmi tamakkiisutut nuussuineri ilaat pineqarput, taamaattumillu konto taanna immikkut isigalugu aningaasartuuteqarfiunngitsutut inngilaq.

Kontot pingaarnert akornanni kalluaassuinngitsutut nuussinerit						
Maannakkut inissisimaffik – 34.12.01-imit peertut		Aki ukiullu suliarisinnaasat nuunneqartut				
Konto pingaarneq	Suliniut	Aki (1.000 kr.-kkaat)				Ukiumut suliarisinnasag (ukiuni tamani assi-giissut)
		AIS15	Missiliuut 16	Missiliuut 17	Missiliuut 18	
34.12.06	Attaveqarnermut aningaasartuutit	4.000	4.000	4.000	4.000	
34.12.02	Ilinniartut	1.500	1.500	1.500	1.500	15
34.12.05	Nakorsaait	2.000	2.000	2.000	2.000	
34.12.01-imumt ilassutit –siunissami inissisimaffik						
Konto pingaarneq	Suliniut					
34.12.02	Ataqatigiissaarisog Avannaa	305	309	314	317	
34.12.02	Taartaasunut aningaasartuutit, sineriak	1018	1033	1050	1059	

10.16 Konto pingaarneq 40.92.10 Folkehøjskolit

Folkehøjskolit marluusut oqaloqatigineqarnerat suli ingerlasog, taamaattorli aningaasaqarnikkut ajornartorsiutit qanoq aaqiivigineqarsinnaassanersut suli isumaqatigiissutigineqanngitsog Naalakkersuisunit paasissutissiissutigineqarpoq.

Qaqugu aaqqiissuteqartoqarnissaa naatsorsuutigineqarnersog pillugu ilisimatinneqarnissani kiisalu isumaqatigiittoqareerpat inaarutaasumik aaqqiissutaasumik ilisimatinneqarnissani ataatsimiititaliap qinnutigaa.

Akissut: Folkehøjskolit taakku marluk akornanni suli oqaloqatigiittoqartoq, aningaasaqarnermili ajornartorsiutit qanoq iluarsivigineqarsinnaaneri pillugit isumaqatigiittoqarsimangitsog Naalakkersuisut ilisimatitsissutigaat. Ataatsimiititaliap qaqugukku iluarsiinissaq naatsorsuutigineqarsinnaanera pillugu ilisimatitsissut noqqaassutigaa, kiisalu isumaqatigiittoqarneratigut inernerisag inaarutaasut iluarsissutaanersog pillugu ilisimateqqunegarluni.

Oqaloqatigiittuarneq isumaqatiginninniartuarnerlu pineqarmata iluarsissutissap naatsorsuutiginnissaanut ullormik ilisimatitsissuteqartoqarsinnaanngilaq. Inaarutaasumik paasisaqartoqarpat ataatsimiititaliap Naalakkersuisut ilisimatissavaat.

11.5 Konto pingarneq 51.03.03 Ineriartortitsinermut aningaasatigut tapersiissutit, nunalerineq

Ataatsimiititaliaruup kaammattuutaasa ilaat anguniarumaneqartut aammalu immikkoortut suut piviusunngortissallugit ajornartorsiutitaqarsinnaasutut isumaqarfigineqartut akissummi nassuiaatigineqarnissaannik Naalakkersuisut ataatsimiititaliamit qinnuigineqarput.

Akissut: Nunalerinermut Ataatsimiititaliaruup isumaliutissiissutaani pingaarnernik pingasunik inassuteqartoqarpoq:

- 1) *Inatsisiliornermut tunngatillugu pilersitsinerit*
- 2) *Aningaasaliinermut tunngatillugu pilersitsinerit*
- 3) *Aningaasartuutininik apparsaasutut suliarisassat*

Ad 1) Inatsisiliornermut tunngatillugu pilersitsinerit
Ingammik Nunalerineq pillugu Inatsisartut inatsisaat 1996-imeersog tassungalu atasutut nalunaarutit pisoqalimmata inatsisit nalunaarutillu amerlanersaat annertunerusumik imaluunniit annikinnerusumik iluarsaanneqassapput. Inatsiserpiap 1996-imeersup iluarsaannera Naalakkersuisut aallartissareerpaat, kiisalu nalunaarutit atuuttut arlallit, nalunaarullu nutaag ataaseq tusarniaassutaasimasog allalut ungasinngitsukku tamanut ammasumik tusarniaassutigalugu nassiussorneqassasutut naatsorsuutigisag ilaallutik. Soorlulusooq amigaatigisanik, soorlu akvakulturi, aammalu algit, ilanngullugit qeqqussat atorneri pillugit nalunaarutinut nutaarlunnarnik nalunaarutinut allaqqaakkat suliarineqarput.

Unammillersaasog tasasavog inatsimmik 1996-imeersumik iluarsaassineq tamakkiisumik iluarsaanneqarnissamik pisariaqartitsinera, aammalu nalunaarutininik pioreersunik iluarsaassineq nutaanillu suliaqarneq peqatigalugit suliassaq tamarmiisooq sivitsorsinnaavog, taakku malitseqartitsinernik suliarisat allat peqatigitillugit suliarineqarmata.

Ad 2) Aningaasaliinermut tunngatillugu pilersitsinerit

Nunalerinermik inuussutissarsiorfiup aalajaallisarsinnaanissaanut 190 mio. kr. aamma 240 mio. kr. akornanni aningaasaliisoqassasoq isumaliutissiisummi inassutigineqarpoq.

Aningaasaliinerit ukiut qulit ingerlaneranut agguataarneqarsinnaasut isumaliutissiisummi innersuussutaavoq, tamannalu aningaasaliinerit aallartiffianit ukiuni qulini tulliuttuni ukiukkaani 19 mio. kr. aamma 24 mio. kr. akornanni aningaasaliinissamik pisariaqartitsivoq. Imaluunniit aningaasaliinerit ukiumut 20-nut agguataarsinnaapput, tamannalu ukiuni 20-ni tulliuttuni ukiukkaani 9,5 mio. kr. aamma 12 mio. kr. akornanni aningaasaliinissamik pisariaqartitsilluni.

Ulloq sammisaqarfusoq 29. august 2014-imi pisoq aqquutigalugu SPS-imik, Nunalerinermut Siunnersuisoqatigiinnit, Nunalerinermut Siunnersuisartogarfiimmit aamma Kommune Kujallermik tusarniaanerit tunngavigalugit inuussutissarsiorfiimmit sinniisut aningaasaliisutit pingaarnersiorneqassasut, makkunungalu atorneqassasut siunnersuutigaat:

- A) Tunisassiorfiusup nukittorsarnera, iluarsaassatut taarsersuineq aamma / imaluunniit savat nersussuillu inaat ullutsinnut naleqquttut aqquutigalugit uumasuutit inaasa nutarsarlugillu sanaartornerisigut.
- B) Narsaatini aqqusernit ataqatigiissut allineri sanaartornerilu, savaateqarfiit akornanni aqquserngit, kiisalu naatitamut narsaatit allillugillu pilersinneri.
- C) Sulianut aningaasartuutunik annikillisaasunut aningaasaliinerit, soorlu nukissiorfinni ataavartuni aningaasaliinerit, soorlulusooq seqerngup, erngup nukinganik annertunermik atugaqalernerit.
- D) Illunik naatitsivinnik sanaartornernut aningaasaliinerit.

Savaatilinnut/nersussuaatilinnut amerlasuunut ESU-toqqanik atugassaqarneq unammillerfiuvoq, taakku amerlanersaat siusinnerusukkut piginnittunit, maannaktut inatsisit atuuttuunerisut tiguneqarsimallutik. Ingammik siusinnerusukkut piginnittunit, imaluunniit kinguaariit nikillutik piginnittuulernerinut atatillugu ESU-mi pissutsinik tigusaqartarnermik savaatillit inuusuttut artukkersimanearput. Ilaatigut pissutit taamaattut pissutigalugit savaatillit/nersussuaatillit amerlanersaat inuussutissarsiummut illut maskiinallu il.il. ineriartortinnissaannut nutarsarnissaannullu aningaasaliinissat ajornartorsiutigaat.

Unammillerfissaq alla tassaavoq illuliassatut atortut pisiarinerinut, nerukkaatinut, kiisalu maskiinanut atassuteqartunik assartuinermit angallassinermillu aningasartuutit qaffasissut, siusinnerusumummi naleqqiullugu SPS-ip aamma RAL-ip akornanni assigiisumik kiffartuussisogarunnaarpoq. SPS arlaleriarhuni RAL-imut oqartussaasunullu eqqortunut iluatsinngitsumik saaffiginnittarsimavoq. Unammillerfissaq taanna erseqqinnerusumik misissoqqissaarneqartariaarpoq, nunalerinermik inuussutissarsiorfiimmut attassisinnaasumik iluarsisissut nassaariniarlugu.

Ad 3) Aningaasartuutunik apparsaasutut suliarisassat:

Kiisalu assersuutigalugit nukissamik ataavartumik ilutsinik annertunermik atuinissamut, narsaatini aqquserngit tallinerinut, naatitanullu narsaatinut inuussutissarsiorfimmik ineriartortitsinut aningaasartuutinillu annikillisaasutut suliaasanut Ataatsimiititaliarsuaq arlalinnik siunnersuutegarpoq. Aningaasartuutinik annikillisaasutut suliarssat iluanni APNN-ip nukissamik ataavartumik ilutsinik annikitsunik pilersitsisarnermut, naatitanillu annertunerusumik tunisassiornermut qinnuteqaatit pingaarnersiorsimavai.

Manna tikillugu qularnaveeqqusiisinnaaneq 2007-imi allagarisatut nalunaarsuutip inissinnerata kingornatigut atorneqarsimangilaq.

Pingaarnersiukkatut iliuusissatut pilersaarusiornermut Aalisarnermut, Piniarnermut Nunalerinermullu Naalakkersuisoqarfimmut 2015-imi ilassutinik aningaasaliissutegarpoq, taannalu suliaqartut pingaarutillit allat peqatigalugit inuiaqatiginni aningaasaqarnikkut aamma pisortanut missingersuusiornermut tunngasutigut kingunerisassanut qaammarsaanertalimmik inassutigisat suliarineqarsinnaalerlugillu piviusunnagortinnissaannik noqqaassutegarfiuvoq.

Suliasissaaq tassani naatsorsuutigineqarpoq inuussutissarsiorfimmi iluserisatigut ajornartorsiutaasut pillugit apeqqutit imatut iluarsiivigineqassasut Nunatta karsia pisariaqanngitsumik artukkerneqarnani, nunalerinermillu inuussutissarsiorfiusoq annertunermik pitsaangorsaavigineqarluni.

Isumaliutit tamakku aallaavigalugit AIS 2016-ip tungaanut nunalerinermik inuussutissarsiorfimmut ikiorsiissutit tapiissutit inississorlugillu annertusarnissaannut siunnersuusiortoqassaaq, ilanngullugu Narsami uumasunik toqoraavimmut tapiissutaasinnaasut.

12.3 Konto pingaarneq 64.01.05 Nunaqarfinni isorliunerusunilu inuussutissarsiornermi suliffeqarnermilu ineriartortitsineq

Apeqqut c) pillugu. Kommunit aningaasaleeqataanissaat sooq piunasaqaatigineqarsimangila? Tamanna aallaaviunnginnami? Tamanna qanoq kinguneqassava? Suliniutinullu assigiinngitsunut kikkut "piginnittunngussappat"?

Akissut: Pineqartog tassaavoq Naalakkersuisunit aamma kommuninit pingaarnerutaasumik iliuuserisaaq. Aallaavigineqarsimasooq tassaavoq suleqatigiilluni kommunini suliniutinik atugaqalersiisimaneq, kommunit pilersitat pingaarnersiukkallu ingerlateriigaannik tapersersueqataasunik. Taamaalilluni suliasaqarfimmi kommunini iliutsinik iliuuserisaaq nukittorsaaqataavoq.

Kommunit aamma Namminersorlutik Oqartussat akornanni suleqatigiilluni suliniutit kommuninit aningaasaleeqataaviginissarpiaa pineqaraangat misilittakkat takutippaat kommunit tungaannit aningaasaliisarnerup unammillertortaqartarnera, ilaatigut kommunini missingersuutit aamma Aningaasanut inatsisip akuersissutigisarnerisa pisarneri pissutaallutik.

Taamaalillutik aningaasanut inatsisip akuersissutiginera sioqqullugu kommunit missingersuutiminnik akuersissuteqartareerajuttarput. Taamaattumik kingornatigut kommunit aningaasaleeqqusarnissaat ajornartorsiutaasarpog, ingammik matumani, ukiumoortumik aningaasaliissutit pinegarnerini.

Kommunini iliuuserisaq aamma pingaarnersiugarisaasarmat taamaattor kommunit siunertamut aningaasaliinernik pingaarnersiugaqartarput. Suliniutinut ataasiakkaanut kommunit akisussaaffeqarput, taamaattumillu piviusunngortinnerini sulinerup tungaatigut isumalluutininik atugaqartartuullutik, aammalu kommunini nunaqarfinnik qanimut oqaloqateqarlutillu ilanngussuisarlutik.

Namminersorlutik Oqartussanit aningaasaliissutitut immikkoortitat annertuupilussuarmik assigiinngissuteqartuunerat, aammalu kommunit namminneq iliuusaannik tapersersuinernik ilapittuuteqarnerat ilorraap tungaanut kingunerisaasoq nalilersuutaavoq. Taamaalillutik kommunit suliniutinik pingaarnertitanik atuutitsiniarnissaq aallutarisinnaasimavaat. Tassaapput kommunit taakkunanilu nunaqarfii iliuuserisamut piginnittuusut.

12.4 Konto pingaarneq 64.10.17 Nunami inuussutissarsiutinut takornariartitsinermullu tapiissutit

Apeqqut a) pillugu. Tapiissutit pisuni ataasiakkaani tamani qanoq atornerarnersut aammalu ungasinnerusoq isigalugu tapiissutit qanoq kinguneqassanersut qanoq annertutigisumik malinnaavigineqartarpat. Suliffeqarfii tapiissutinik ingerlasut taakku siunissami aningaasaqarnikkut imminnut napatinnerulemissaat Naalakkersuisut anguniagaraat, taamaappallu tamanna qanoq piviusunngortinneqarsinnaassava?

Akjissut: Qulaani taasatut kongomi pingaarnermi tapiissutissanut arlalinnut aningaasaliinerit immikkoortitaapput. Tapiissutit taakku ingerlatseqatigiiffiit ataasiakkaat peqatigalugit kiffartuussinissamik isumaqatigiissutit aqqutigalugit akiliutigineqartarput. Taamaalilluni tapiissutit qanoq atussanerininik kiffartuussinissamik isumaqatigiissutini nalunaarsugaavoq, aammattaarlu anguniakkat sorliit anguneqassasutut naatsorsuutigineqarneri nalunaarsugaallutik. Ingerlatseqatigiiffinni ataasiakkaani ilorraap tungaanut ineriartorneq qulakkeerniarlugu ingerlatseqatigiiffillu oqaloqatiginittuortoqarpoq. Ingerlatseqatigiiffiit ilaat – ilanngullugit Visit Greenland aamma Greenland Business – Namminersorlutik Oqartussanut suliasanik isumaginnittarput, aningaasaqarnikkullu imminnik napatittunngornissaat naatsorsuutigineqaratik.

Apeqqut b) pillugu. Ukiuni missingersuusiorfiusuni Neqi A/S-imut missingersuutit 0 kr.-iunerannut suna tunuliaqutaava, tamatumami peqatigisaanik suliffeqarfiup ukiuni aggersuni pisortanit ingerlatsinermut tapiiffigineqarnissaata pinngitsoorneqarsinnaannginnera KNI A/S-imit nalilernerqarnera eqqumaffigeqquneqarmat?

Akissut: Maannakut NEQI-lu kiffartuussinissamik isumaqatigiissummut aallaaviusog tassaasimavoq 2015-ip kingornatigut kiffartuussinissamik isumaqatigiisutip pisariaqartinninnissaa. Taamaattorli naatsorsuutigisatut ingerlatseqatigiiffik ineriartorsimangilaq. KNI-llu nalunaarsuutigaa naatsorsuutigisap paarlattuanik kiffartuussinissamik isumaqatigiisut pisariaqartinneqassasog. AIS 2015-imi konto pingaarneq 51.03.02-mi Neqi A/S aqqutigalugu akiliutigineqartunik savanut tunisinermut 6,998 mio. kr.-nik tapiissuteqartoqassanera sianigeqquneqassaaq.

12.6 Konto pingaarneq 64.10.22 Kalaallit Nunaaniit imermik nilannillu avammut tuniniaaneq

Kalaallit Nunaata nilammik imermillu avammut tuniniaanermi ingerlatsisutut ataqqisaasutut inissinnissaanik anguniagaqarneq eqquutsinneqarsinnaaqqullugu suliniutit sorpiaat maanna aallartinneqarsimanersut paasissutissiissutigineqassasog ataatsimiititaliamit kissaatigineqar-poq.

Akissut: Qaammata inuussutissarsiorfittut suliaqarfimmut nutaamik periusissiorneq suliarineqarpoq.

12.7 Konto pingaarneq 64.10.25 Suliniutit angisuut

Kontomi pingaarnermi uani aluminiumik suliniutip qitiutinneqamera allanngorlugu suliniutit angisuut allat aamma ilanngunneqarnerat ataatsimiititaliamit malugineqarpoq. Matumani aningaasaliissutit aatsitassarsiornermi suliniutinut angisuunut atatillugu ilaatigut IBA-mik isumaqatigiinniarnernut aammalu inuiaqatigiit aningaasaqarnerannut attuumassuteqartunik isumaginninnermut atorneqartartut Naalakkersuisut akissutaanni allassimavoq. Tassunga atatillugu ataatsimiititaliamit ilimagineqarpoq Isukasiani suliniutip ingerlanneqarneqarnerani piginnittut nutaat aallaqqaataaneerluni IBA-mik isumaqatigiinniartigineqartariaqas-sanngitsut. Tassunga atatillugu ilassutitut ima apeqquaqarnissani ataatsimiititaliap pissutissaqarsoraa.

- a) Kuannersuarni suliniutip inuiaqatigiit aningaasaqarnerannut tunngasortaanik misissuineq qanoq siuarsimatigaa?

Akissut: Inuiaqatigiinni Piujuartitsineq pillugu Nalilersuinerup (VSB-p) suliarineranut suliniummumut nassuiaammumut nutarsakkatut allaqqaagaq oqartussaasut 28. april 2015-imi tiguaat. Tusarniaanermumut akissutinit oqaaseqaatit Itisiliiffiusumi Nalunaarusiami allattukkanut naleqqiullugit suliniummumut nassuiaatit GME-p nutarsarsimaneraat oqartussaasut nalilersugarineri ingerlappaat. Maajip qaammataata affaani siullermi GME kingusinnerpaamik suliniummumut nassuiaatit akuerineqarsinnaaneri imaluunniit akuerineqarsinnaannginneri pillugit akissutisinnissaa naatsorsuutigineqarpoq. Suliniummumut nassuiaatit akuerineqarpata Kuannersuarni suliniutip inuiaqatigiit aningaasaqarnerannut tunngasortaanik nalilersuineq GME-p suliaralugu aallartissinnaalissavaa (Inuiaqatigiinni Piujuartitsineq pillugu Nalilersuinerumut nassuiaat).

b) Kuannersuarni piginnittut IBA-mik isumaqatigiinniarfigineqalereerpat?

Akissut: Naagga, IBA-mik isumaqatiginninniarnernut tunngaviuvoq Inuiaqatigiinni Piujuartitsineq pillugu Nalilersuinnermut (VSB-mut) nassuiaatip piginissaa, taannalu sivikinnerpaamik sapaatit akunnerini arfineq-pingasuni tusarniaassutaasimassaaq. Apeqqut 1-imut akissut malillugu VSB suli suliarineqamngilaq.

c) Ukiut pingasut qaangiuppata uranimik avammut niuerutiginninnissamut nunat tamalaat piumasqaataat nunatsinnit eqquutsinneqarsimassanersut aammalu Kuannersuarni suliniut ingerlanneqarnissaminut piareersimassanersoq Naalakkersuisunit paa-sissutissiissutigeqqunearpoq. Tassunga atatillugu suliap taassuma ingerlanneqarnissaanut pilersaarut nassiunneqaqquillugu ataatsimiititaliamit qinnutigineqarpoq.

Akissut: 2016-ip ingerlanerani atuinissamut akuersissut pillugu qinnuteqaammik Naalakkersuisut suliqaarsinnaanissartik naatsorsuutigaa. Ilanngullugu GME-p nalunaarutigaa ukiunik marlunnik sivisussusilimmik sanaartorfissaqarnissartik naatsorsuutigahugu. Kalaallit Nunaannit uranimik thoriumimillu avammut tunisagarneq tamanna sakkunik atomitortunik siammarterinnginnissamut avammullu tunisinermut tunngasunik Kalaallit Nunaata aamma Danmarkip isumaqatigiissutini pisussaaffinnik najoqqutaqarnerisigut, ilanngullugulu IAEA-mut nalunaarusiortarlunilu nakkutigineqarnermut pisussaaffeqarnikkut taamaallaat pisinnaavoq. 2015-imi Inatsisartut ukiakkut ataatsimiinneranni isumaqatigiissutini suli makkuninnga akuersissuteqarnissat pillugit Inatsisartut aalajangiussissutissaattut siunnersuutini Naalakkersuisut saqqummiussaqassamaarput:

1. Atomip nukinganik ajutoortoqarnerani, imahuunniit qinngornernik ulorianartortalinnik ajornartoorfinni ikiorserneqarnissaq pillugu IAEA-p isumaqatigiissutaa ("Ikiorserneqarnissamut isumaqatigiissut")
2. Atomip nukingata atornerata isumannaatsuunissaa pillugu IAEA-p isumaqatigiissutaa
3. Ikummatit atoreernikut, eqqagassallu radioaktiviussut isumannaatsumik isumagineqarnissaat pillugit nunat tamalaani ataatsimoorussatut isumaqatigiissut ("eqqagaqarnermut isumaqatigiissut")
4. Qinngornernut ioniseriisunut sulisartut illersornissaat pillugit ILO-p isumaqatigiissutaat nr. 115
5. Atomip nukinganik qunusiarinnittarneq pillugu FN-ip isumaqatigiissutaa
6. Atomip nukinganik atortunik timitalimmik illersuisarneq pillugu IAEA-p isumaqatigiissutaata allanngortinnera.

*Isumaqatigiissutini runatsinni eqqartuussivinni pisussaaffiit
atuutsilersinnaaniarlugit (danskini) Naalackersuisut 2015-imi ukiakkut
inatsisissat siunnersuutit makku saqqummiunniarpaat:*

- 1. Pinerluttulerinermut inatsisip allanngortinnissaa pillugu inatsit*
- 2. Atomip nukingarik atortunik nalunaaruteqartarnek aamma
isumannaallisaanermik nakkutilliisarnek pillugu IAEA-p
piumasagaataasa atuutsilernissaat pillugu Kalaallit Nunaannut
inatsit.*
- 3. Tunisassianik dual use-nik avammut tunisinermik
nakkutilliisarnek tamatumunngalu aalajangersakkanik
atuisarneq, EU-mi peqqussutip nassatarisaanik aalajangersakkat
pillugit Kalaallit Nunaannut inatsit.*

*Folketingimi oqaluuserinnineq sioqqullugu inatsisissatut siunnersuutini
aalajangiussassatut siunnersuutitigut Inatsisartut oqaluuserissavaat,
tamatumalu saniatigut Inatsisartut isumaqatigiissutini pisussaaffigisanik
naapertuutsitsinissaanissamut pingaaruteqartumik tunniussinermik
inatsisaasumi allannguutini Kalaallit Nunaannut atuutisilernissaq pillugu
peqqussut pillugu Inatsisartut aalajangiussassatut siunnersuutikkut
aalajangiussissapput. Peqqinnissaqarfimmik suliassaqarfiusumi radiologi
pillugu inatsisissatut siunnersuummik Naalackersuisut
saqqummiusisussaassapput. Tamatumunnga siunnersuut UPA 2016-imut
ilanngunneqarnissaa naatsorsuutigineqarpoq.*

- d) Citronenfjordenimi suliniutip inuiaqatigiit aningaasaqarnerannut
tunngasortaanik misissuineq qanoq siuarsimatigaa?*

*Akissut: Ingerlatseqatigiiffik inuiaqatigiinni piujuartitsineq pillugu
nalilersuinermit nassuiaammik naammassinninniarnermik ingerlataqarpoq,
taassuma tusarniaassutitut nassiuunneqarnissaa siunertaralugu.*

- e) Citronenfjordenimi piginnittut IBA-mik
isumaqatigiinni arfigineqalereerpat?*

*Akissut: Naagga, inuiaqatigiinni piujuartitsineq pillugu nalilersuinermit
nassuiaat tusarniaassutaarngimmat, aammalu IBA-mik isumaqatiginninniarnert
aatsaat sapaatit akunnerini arfineq-pingasuni tusarniaanerup nalaa
naammassereerpat aallartisarneqassammata.*

12.11 Konto pingaarneq 64.13.25 Suliffissaalegisunut immikkut ittumik
iliuseqarneq

*Apeqqut b) pillugu. Iliuutsit aallartinneqarsimasut pillugit kisitsisitigut
paasissutissat pissarsiarineqarnissaat naatsorsuutigineqarpa?*

Taamaangippat suliniutit aallartinneqartut qanoq aammalu iluatsitsinermut uuttuutissat suut atorlugit naliliiffiginiarneqarpat?

Akissut: Inuit suliffissaaleqisutut nalunaartut 80 %-ii ilinniagaqarsimannngitsuupput. Suliffissaaleqinermut iliuuserisag annertuumik suliffissaaleqisunut saaffiginnittuutitatu pikkorissarnertut ipput, suliffissaaleqisut piffissami sivikinnerusumi suliffissaasinnaasunik periarfissaqartoqarfilitut suliassaqarfiit iluini piginnaangorsaanermik pikkorissartitaallutik. Tassaaneruserput soorlu aallarterlaatut avaleraasartuunik aalisraneq, utoqqarnernik isumassuineq aamma takornariartitsineq. Piffissamut ungasinnerusukut soorlu aatsitassarsiornermik tunisassiorfusumi piffissami sivisunerusumi suliffeqarfiusunut piginnaangorsaanissaq misileraavigineqassaaq. Najukkani pikkorissartitsinerit sorliit ingerlanneqassaneritik kommunit kisimik innersuuteqartartuupput.

Immikkut ittumik suliffissaaleqinermut iliuuserisamut ukiumoortumik nalunaarusiortoqartarpoq. Taamaalilluni 2012-imut 2013-imullu nalunaarusiortoqarpoq. Taakku pikkorissartitsinermut sivikitsumik ingerlaturanut tunngatillugu ukiup aappaani marsip qaammataani naatsorsuinerni pikkorissartut 45 %-iisa suliffissaaleqisutut nalunaarsorsimajunnaarsimanerannik takutitsipput. Taamatuttaaq piginnaangorsaanermik naammassinissimasutut inuit 57 %-ii Piareersarfimmi piginnaangorsaanermik imaluunniit ilinniagaqarnermik nangitsisuusut. Iliuuserisamik 2014-imi aamma 2015-imi pikkorissartitsinermut inuit nalunaarlutillu naammassisagarsimasut amerlassusaannik nalunaarusiortoqarnerup nangeqqinnissaapilersaarutaavoq. Taamatuttaaq ukiup tulliani marsip aamma aggustip qaammataanni pikkorissartitsinerni peqataasut suli suliffissaaleqisutut nalunaarsugaasut amerlatigineri takuniarlugit peqataasut epr. normuinik Naatsorsueqqissaartarfillu misissuiffigineqassapput. Pikkorissartitsinermik ingerlassat kingornatigut 2014-imi iliuuserisamut tunngatillugu suliffeqarfimmut suliffissaaleqisut attaveqarnerannut annertunermik upparnarsaatissanik pissarsiorniarluni pikkorissartitsinerit arlallit erseqqinnerusumik misissornissaat siuneratarlugu toqqartorneqassapput. Taakkanani inuit toqqartukkat oqarasuaatikkut attaveqarfigneqassapput, oqarasuaatitigullu apeqqarissaarnertigut pikkorissarsimasoq suliffeqalersimanersoq, kiisalu suliagarfimmi pikkorissartup pikkorissarfigisimasaani suliffigisaq innersoq nalunaarsorneqassalluni. Misissuinerit taama ittut piffissaajarnarlutillu annertuumik aningaasartuuteqarfiupput. Taamaattumik pikkorissartitsinermut inunnulu toqqartukkanut aalajangersimasunik amerlassusilinnut misissuineq taanna killiligaassaaq. Suliagarfiusumi pikkorissartitsiffiusup iluani pikkorissartitsinerni peqataasut qanoq amerlatigisut suliffeqalersimanissaat iluatsitsiffittut najoqqutaasussaassaaq.

14.1 Konto pingaameq 70.01.07 Sanaartornermi oqartussaassuseq

Najukkani sanaartornermik kommunit nakkutilliinerisa annertussusiat pitsaassusiallu Naalackersuisunit naammagisimaarneqarpa?

Akissut: Najukkami inuiaqatiginni kommunini sanaartornermik oqartussaasut sanaartornermut inatsisaasunik naammaginartumik iluseqartumik isumaginninnerat nalinginnaasumik paasisaavoq. Taamaalillutik sanaartornermik oqartussaaffiup suliassaanik kommunit isumaginnippit, ilanngullugit allaffissornikkut nakkutilliinermullu tunngasutigut suliassat, sanaartornermi inatsimmi siunertaasut (Sanaartorneq pillugu Inatsisartut inatsisaat nr. 13, 26. maj 2010-meersoq). Sulisorisat akulikitsumik taarserarnerisat nassatarisaannik kommunit ataasiakkaat Ineqarnermut, Sanaartornermut Attaveqarnermullu Naalackersuisoqarfimmit qitiusutut sanaartornermut oqartussaaffimmit tapersersugaanissamik ilitsersorneqarnissamillu pisariaqartitsisarsimapput.

14.2 Konto pingaameq 72.02.03 Boligstøtte pillugu aqutsinermut pilersaarusionermullu aningaasartuutit

10 % Naalackersuisunit qanoq pissarsiaraat?

Akissut: Pineqartog tassaavoq misilittakkanit kisitsit, missiliummik aalajangersimasumik annertussusilimmik ataqatigiussitaq. Assersuummi tullianiittumi soorlu sanaartukkanut mikinerusunut unammillerfissaq suunersoq takuneqarsinnaavoq:

Inissialiorneq & iluarsaassineq (assersuut)

Nutaanik illuliorneq		179	m ²
Iluarsaassineq		146	m ²
Katillugit		325	m ²

Suliassap pilersaarusionera		2,5	Mio. kr.
Inississuineq		0,4	Mio. kr.
Illuliornerup siulersornera		0,5	Mio. kr.
Suliarisanik nakkutiginninneq		0,5	Mio. kr.
Illulioortitsisup nakkutilliinera		0,3	Mio. kr.
Nutaanik illuliorneq	19.700 kr. * 179 m ²	3,5	Mio. kr.
Iluarsaassineq (asbest, pcb il.il.)	16.200 kr. * 146 m ²	2,4	Mio. kr.
Katillugit		10,1	Mio. kr.

Takussutissiami qulaaniittumi takuneqarsinnaasutut suliniummi, illuliap kvadratmeterinngorlugu angissusaanik assigiinngisitaarisitsinngitsumik aallartitaqarnermik imaluunniit pilersitsinermik arlalinnik aningaasartuuteqarpoq. Allanut tamanut naleqqiullugu suliniutit mikinerit suliniutinut anginernut naleqqiullugit kvadratmeterikkaanut naleqqiussatut akisunerusarnerinik tamanna isumaqarpoq. Assersuummi tassani kvadratmeterikkaanut akip 31.000 kr. sinnilaqqavaa. Illulianut 2.500

kvadratmeterit sinnerlugit annertussusegartunut kvadratmeterikkaamut aki kvadratmeterikkaamut 21.500 kr.-nut apparsinnaanera misilittakkat takutippaat.

Siuserinnerusukkat nalunaarsukkatut tulhuangitsutut pilersaarusiukkatut illuliorneq illuliornermut pilersaarusiugaalluartumut naleqqiullugu akisunerussaaq. Aammattaaq suliassaq sanaartugassatut suliarinnittussarsiuussilluni, annertuumik imaluunniit pingaarnermik suliarinnittuunissamut periarfissaqartillugu neqeroortitsissutaagaangat (suliassanik arlalinnik imaluunniit tamanik ataatsikkut neqeroortitsinermik), akit appasinnerusut pissarsiarineqartarneri paasineqarsimavoq, suliffeqarfutillit suliffimmik iluani pitsaannerusumik pilersaarusiornermik il.il. ingerlassaqarsinnaanerat pissutaalluni.

14.8 Konto pingaarneq 72.20.10 Usinik assartuineq

Piffissami pisariillisaaffiusutut taaneqartumi (2008-mili) RAL-imi akissarsiat qanoq ineriartorfiusimappat?

Akissut: Apeqqutip taassuma akineranut RAL ilapittuuteqarsimavoq, ingerlatseqatigiiffiup 2008-mili akissarsianut aningaasartuutit Index 100-mit Index 106-imut allanngoriartorsimasut nalunaarutigimmagu. Piffissami tassani sulisut amerlassutsimikkut 883-imit 746-nut ikileriarsimapput.

RAL-ip paasissutissiissutai tunngavigalugit ingerlatseqatigiiffimmi akissarsiat agguqaatigiissinneri 2008-mi 345.000-init 2014-imi 408.000-imut amerleriartutut naatsorsorneqarput.

15.1. Siunertamut konto 73.94 Nukissiorfiit

Maanna akeqartitseriaatsimik iluarsaaqqinnerup atuutilersinneqarnissaanut pilersaarut ataatsimiititaliamit aallarniutigalugu qinnutigineqarpoq. Tamatuma saniatigut apeqqutit matuma kingulianiittut Naalakkersuisunit akineqarnissaat ataatsimiititaliamit qinnutigineqarpoq.

- a) *Nukissiorfinni pisortatut atorfik qaqugu inuttaleqqinneqalersaarnersoq aammalu suliassamut tassunga suliffeqarfik sulisussarsiniartarnermik suliqaartartoq atorneqalersaarnersoq paasissutissiissutigineqassasoq kissaatigineqarpoq.*

Akissut: Nukissiorfinni pisortatut atorfik apriliip 13-iannut qinnuteqarnissamut killiffissalerlugu inuttassarsiorneqaqqammerpoq. Maannakkut atorfinitsitsinissamut ingerlassaq ingerlanneqarpoq, qinnutaatit nalilersorneqarlutik, aamma pingaarutilittut qinnuteqaateqartunik apeqqarissaarnerit ingerlanneqarlutik.

Tamakku tunngavigalugit atorfimmut qinnuteqartoq sorleq piginnaaneqarnerpaatut isigineqarnersoq naliliinissamik ataatsimiititaliap Naalakkersuisunut innersuussissutertik nalunaarutigissavaat. Inuttassarsuisartut Boyden inuttassarsiuinermik ingerlassamik isumaginnipput.

- b) Ataatsimiititaliap paasinninna malillugu EU-mut isumaqatigiissutip kingunerisaanik Namminersorlutik Oqartussat suliffeqarfiutiminnik nammineertitanik misissuisaaq. Isumaqatigiissut siunissami Nukissiorfinnut qanoq kinguneqarsinnaanersoq pillugu naliliissummik Naalakkersuisut maannangaaq saqqummiussisinnaappat?

Akissut: EU-mut isumaqatigiissutip Nukissiorfinnut pingaarutilinnik kinguneqassanera naatsorsuutigineqanngilaq. Suliffeqarfiutinit nammineertitanit kisitsit pingaarutilit, ilaallutik Nukissiorfinneersut, siunissami Siulersuisunut Allattoqarfiup Namminersorlutik Oqartussat piginneqatigiittut ingerlatseqatigiiffiit pillugit Inatsisartunut ukiumoortumik nalunaarutigisaanut ilanngussatut ilaatinneqartalissapput. Taamaattumik Nukissiorfinnut tunngatillugu EU-mut isumaqatigiissut naatsorsuuserinermi kisitsit pillugit nalunaarutegartarneq pillugu annertusisamik piumasaqaammik kinguneqartitsisinnaavoq.

15.8 Konto pingaameq 77.05.01 Eqgakkanut tunngasut

Apeqqut a)-mut.

Apeqqutit affaat eqqagassalerinermut pilersaarutip piviusunngortinnissaanut tunngasut akineqarsimanngitsut ataatsimiititaliamit oqaatigineqassaaq. Taamaattumik matuma akineqarnissaa ataatsimiititaliamit kissaatigineqarpoq: Eqqagassalerinermut pilersaarutip Naalakkersuisunit piviusunngortinniameqamera sumut killippa ?

Akissut: Eqqagassalerinermut pilersaarummi anguniakkat ilaat ataasiakkaat, aammalu iliuusissatut pilersaarummi anguniakkat ilaat ataasiakkaat atuutsilernissaannik qanoq suliaqartoqarneranut killiffiit ataani nassuiarneqarput. Eqqagassalerinermut pilersaarutip atuutsilernissaannik suliaqarneq kommunit qanimut suleqatigalugit pivog, taakku eqqagassalerinermik suliaasaqarfimmut pingaarnertut akisussaaffeqartuullutik.

Eqqagassalerinermik suliaasaqarfiup malittarinissaanut suliaqartutullu ineriartortinnissaanut Pinngortitamut, Avatangiisinut Inatsisinillu Atuutsitsinermut Naalakkersuisoqarfik qitiusutut oqartussaasuvoq. 2010-mi eqqagassalerinermut pilersaarummi pilersitassat tamarmik atuutsilernerisigut tamakkiisutut aningaasaliinissamut pisariaqartitat 400 mio. kr.-nut missiliutigineqarput. Taakku saniatigut ingerlatsinermut aqutsinermullu ilassutitut aningaasartuutissat taamanikkut missiliuineq naapertorlugu 75 mio. kr.-ussapput. Taamaalillutik ullutsinni koruuninngorlugit milliardip affaa sinnersimassavaat.

Eqqagassalerinermik pilersaarutip 2010-mi akuersissutiginerani tamakkiisumik aningaasaliinissaq isummerfigineqanngitsoq sianigeqquneqassaaq. Ukiuni 2011-2014-imi ilaatit ilaannik aallartisaanissamut – ingammik anguniakkat ilaat 3: Tigooraasarfiit aamma igitassanik navianartunik pilerfii aallaavigalugit immikkoortiterineq aamma anguniakkat ilaat 4: Inissiisarfiit eqqaavissuatoqqallu – Aningaasanut inatsimmi aningaasaliissutissat immikkoortinneqarsimapput.

Anguniakkat ilaat 1: Pilersaarusiorneq aamma Allaffissorneq

Piffissami 2013-2014-imi kommuninik ilitersuinerit siunnersuinerillu nalinginnaasumik nukittorsineqarput, eqqagassalerinermik suliaassarfimmut naalackersuisoqarfimmi allaffissormikkut isumalluutit amerlanerit atugaasinneqalermata. Eqqagassalerinermut nalunaarummut nutaamut allaqqaagaq suliarineqarpoq, inatsisinik teknikkikkut misissugaareernerata kingornatigut 2015-ip qeqqani tusarniaassutigalugu nassiussorneqartussaanaera naatsorsuutigineqarluni.

1993-imit maannakkut eqqagassalerinermut nalunaarutip nutarsarnera tassani pineqarpoq, tamatumuuna nalunaarusiaq ullutsinnut naleqqussarneqarnerussalluni, aammalu kommunit isumagisassaannik unammillerfissat isumaginissaannut najoqqutarisassamik qulakkeerinnissalluni. Assersuutigalugu kommunit pilerfii aallaavigalugit immikkoortiterinermik piumasagaateqarnissamut najoqqutassaqalissapput, soorlulusooq kommunini eqqagassalerinermik pilersaarutinik malittarisassianillu ilusilersuinissaminut sinaakkutissanik periarfissanillu pitsaannerusunik nalunaarusiaq qularnaarissalluni.

Eqqagassalerinermut nalunaarusiamut allaqqaakkamut nutaamut ataqatigiissitamik Pinngortitamut, Avatangiisinut Inatsisinillu Atuutsitsinermut Naalackersuisoqarfik kommuninut ilitersuutissamut allaqqaakkamik suliaqarpoq. Kommunini eqqagassalerinermut pilersaarusiorneq pillugu ilitersuutip kommunini eqqagassalerinermut pilersaarutinik suliaqarnermik pisariillisaassaaq, aammalu eqqagassaleriffimmi kommunit pilersaarusiornat oqilisassallugu. Taamaalillutik kommunit kommunini eqqagassalerinermut pilersaarusiorneq aallartissavaat.

Tamakku saniatigut makku suliarineqarput:

1. Saviminikunik eqqakkanillu pigineqanngitsunik isumaginninnissamut kommuninut malittarisassiat
2. Silami nunaminertat saligaatsuutinneqannginneri pillugit suliaassanik isumaginninnermut kommuninut malittarisassiat
3. Inissiivinnik nakkutigisanik pilersitsinermut malittarisassiat
4. Eqqaavissuit pioreersut isumaginissaannut malittarisassiat.

Anguniakkat ilaat 2: Ilisimatitsisarnerit

Ilisimatitsisarnermik ingerlassat saaffigisaqartarnissaat, pisariunnginnissaat, aammalu saaffigisanit pingaaruteqartut misigisarnissaat anguniarneqarpoq. Eqqagassalerinermik suliaassarfimmi ilisimatsissutitut atortut tamarmik KANUKOKA-mi katersorneqassapput, taamaalillutik atortuutit kommunini isumassarsivigisassatut atoqqissinnaasatullu pisariunngitsumik pissarsiarineqarsinnaassallutik. Ukiut tamaasa ingerlassat ataatsinit marluk pisassasut anguniarneqarpoq.

Tamaangaannaq eqqakkat sammillugit Namminersortutik Oqartussat 2014-imi annertuumik ilisimatitsiniarneq ingerlappaa. Akuersaarinnittutut oqariartuutikkut 'Qujanaq – Kalaallit Nunaat Paarilluarisiuk' kikkut tamarmik eqqaavimmik atuisarnissaminnik eqqaasinneqarput. Oqariartuut Qujanaq-mik ingerlassamut erinarsuutikkut, Julie Berthelsenip erinarsugaralugu immiussaaticut siammarterneqarpoq.

Ingerlassaq siamasissumut kaammattuisuuvog, nunamilu tamarmi nutaarsiassaleriffiit inuillu atortagaasigut tusagassiorfitsigut saqqummiussarineqarsimalluni. Ingerlassap sunniuteqarfiit assigiinngitsorpasut atugarisimavai – ilanngullugit eqqaaviit erinarsortut, nipilersukkamik ussasaarummillu videoliorlunilu filmiliorneq, aammalu ingerlassamut atortussanik assigiinngitsunik suliaqartoqarluni.

Taamaalluni ingerlassaq innuttaasunut tamanut siamasissumik angussimavog. Tamatuma saniaticut 2014-imi Nanook nipersukkanik videoliaata 'Sassuma Arnaa' ta suliarineranut tapiisoqarpoq, taanna eqqakkanik immamut igtisoqassannginneranut tunngasuulluni. Filmimut ilaavog Qujanaq-mut ilisarnaat, nipilersukkanillu videolikkut nutarsagaasumik saqqumilaartinneqalerpoq.

Qujanaq-mik ingerlassap siuliatut 2014-ip aallartinnerani assiliartaliussanik ussasaarusiortoqarpoq, taanna KNR-ikkut takutinneqarluni oqariartuutigalugu 'Orsussanut (batteriit) qujanaq'.

2015-imi manna tikillugu ukiamut ingerlassasamik, Qujanaq-mik ingerlassamik tunngaveqarluni ingerlateqqitamik pilersaarusiortoqarpoq, akuersaarinnittutullu oqariartuut tassaavog Kalaallit Nunaanni avatangiisit pinngortitalu paarinissaat.

Anguniakkat ilaat 3: Tigooraasarfiit aamma igitassanik navianartunik pilersfiit aallaavigalugit immikkoortiterineq:

Eqqagassanut navianartunut tigooraasarfiliornernut sanaartornissamut tapiissutissanut 2011-miilli ukut tamaasa Aningaasanut inatsimmi aningaasaliissutit immikkoortinneqartarput. Usit puinik najoqqutamik ingerlalluartumik atugaqartoqarpoq, illoqarfiit najugaqarfiusullu ataasiakkaat angissusaat naapertorlugit annertussusiligasunik.

Piffissami matumani taamaallaat eqqagassanut navianartunut tigooraasarfimmik illoqarfik akunnattumik angissusilik ataaseq illoqarfillu mikinerusog ataaseq pissarsiaqarnissaminnik amigaateqarput. Taakku saniaticut nunagarfinni atugassarisaqarfinnik Qaasuitsup Kommunian aamma Kommune Kujalleq amigaateqarput.

Anguniakkat ilaat 4: Inissiisarfiit eqqaavissuatoggallu

2014-imi tapiliutitut aningaasaliissutinik 44,5 mio. kr.-nik pissarsiaqarnikkut anguniakkat ilaat 4-p atuutsilernissamut tunngatillugu alloriarnerujussuaqarpoq. Katillugit sumiiffinni 22-ni salinissanut

aningaasaliisoqarpoq. Saliineq piffissami 2014-2016-imi pissaaq. 2014-imi naalackersuisoqarfik eqqaavissuit salinnissaannut, aammalu nakkutigisanik inissiisarfiliornermut malittarisassianik suliaqarpoq, taamaalillutik inissiisarfiit tamatuma kingornatigut avatangiisinut tunngatillugit akuersissuteqarfiussallutik.

Anguniakkat ilaat 5: Ikuallaasarfitsigut iluarsiiisutit

Nunami tamarmi ikuallaasarfitsigut iluarsiiisutit pingaernerutitamik periusissiasap aalajangersarnerata ilaatut ukiuni kingulliunerusuni eqqakkanik assartuisarnermik misileraanerit ingerlanneqarsimapput. Nunap immikkoortuini anginerusunik ikuallaasarfiliorortoqassappat angallassinikkut iluarsiiisutitnik ingerlalluartunik pilersitsisoqarneq aalajangiisuvoq.

Piareersaalluni suliniutit takutippaat eqqakkanik assartuussinerit tigussaasutigit ingerlassamillu piareersaanikkut unammillerfissanik arlalinnik imaqartut. Taamaalilluni tamatumunnga amerlanernik misilittagassanik pisariaqartitsisoqarpoq, siunissamut tunngatillugu sanaartugassanik anginerit nutaanik sanaartortogassanersoq aalajangiiffiginnginnerani. Dioxinimik saliineq, nutarsaaneq, maannakkullu ingerlatsiviusunik atuussinnaassutsikkut sivitsuineri pingaartuupput.

Suli nutaanik ikuallaasarfitsigut iluarsiiisutit aningaasaliiffiginissaannut sinaakkutissamik pisariaqartitsisoqarpoq, illoqarfinni akunnattumik angissusilinni mikinerusunilu tamani, nunaqarfinnilu arlalinni ikuallaasarfitsigut iluarsiiisutitnik amigaateqartoqarmat. Ikuallaasarnermik suliassaqarfimmi iluarsiiisutit sorliit pingaernerutitaagaluartut ikuallaasarfitsigut iluarsiiisutit pilersinneqarneri iliuuseqarfinni aningaasartuutaanerpaassapput.

Anguniagassat ilaat 6: Tamaanngaannaq eqqakkat/eqqakkat inissitat sammineri
Anguniagaqarfigalugu tamaanngaannaq eqqakkat/eqqakkat inissitat sulissutigineqarsimapput, sulilu sammisarisaavoq. Tamaanngaannaq eqqakkanik/eqqakkanik inissitanik annikillisaalluni suliaqarneq inissisimaaffinni marlunni pivog, ilaatigut isummat allangortinniarnersigut, ilaatigullu suliassaqarfimmi malittarisassiat aqqutigalugit, saviminikut pigineqanngitsut isumaginerinut, aammalu silami nunaminertanik saligaatsuuitsinermi ingerlassanut tunngatillugu kommunini annertunerusumik erseqqissaanermik pilersitsisussatigut. Malittarisassiat taakku 2014-imi suliarineqarput, kommuninilu atugaalrput.

Anguniakkat ilaat 7: Suliffeqarfii, umiarsualiviit umiarsuillu

Suliffeqarfii arlallit eqqagassaattit aalajangersimasumik annertussusilimmik immikkoortitertarpaat. Immikkoortiterineq ilaatigut oqartussaasunit ilisimatitsissutitnik piumasaqaatinillu aalajongerneqartarpoq, kiisalu eqqaanissamut periarfissaasunit aalajangerneqartarluni.

Umiarsualivinni anginerusuni amerlanerpaani uuliakumik tigooraasarfiliorortoqarsimavoq. Suliffeqarfinniillu aamma umiarsualivinnit immikkoortiterinerup pitsannorsaaviginissaa pisariaqartinneqarpoq,

ilanngullugu eqqallat suussuseqatigiikkuutaat immikkoortunut
pingaarutilinnut tamanut eqqaanissamut periarfissanik
isumannaarisogartariagarluni.

Anguniakkat ilaat 2-p ataani aallartisakkanut nalinginnarmik isummat
allangortinniarnertit ilisimatitsiniutitullu ingerlassat saniatigut anguniakkat
ilaannik tassanga suliaqarnissamut isumalluutissaqarsimangilaq.

Anguniakkat ilaat 8: Eggakkanik annikinnerpaangortitsineq atuegginnerlu

2014-imi Namminersorlutik Oqartussat uumassusilinnit eqqakkanik asiulersunik
naggorissaasiornermut tunngatillugu Sisimiuni piareersaatitut suliniut
tapersorsimavaat. Eqqakkat suussuseqatigiikkuutaat immikkoortut taakku
sumiiffinni ikuallaasarfitsigut iluarsiveqanngitsuni immikkut ittumik
ajornartorsiortitsivog, taamaattumillu uumassusilinnit eqqakkat
eqqaavissuarmut inississorneqartarput. Eqqakkat uumasut ajoqutaasut
ornigutsittarpaat, ingammillu qaammatini kiattuni tiperrusammik
ajogusersuisarlutik.

Naggorissaasiornermik annertusisamik atueq eqqakkat amerlassusaannik
ikilisaanermut ilapittuisinnaavoq, taamatullu ajornartorsiortitsisutut eqqakkat
suussuseqatigiikkuutaat immikkoortut taakku tulluurtumik isumaginissaannut.
Suliniut qanittukkut aallartisarneqarpoq, taamaattumillu naggorissaasiornermut
suli annikitsuinnarnik misilittagaqartogarluni.

Piffissap sivirusunerusup ingerlanerani saviminikunik sisakunillu atueqqinnissaq
sammineqarsimavoq, kommuninullu atugassaalluurtunik
atortussiortoqarsimavoq, Sisimiuni saviminikunik sisakunillu umiarsuakkut
assartuussisarnerni misilittakkanik tunngaveqartunik.

Eggagassalerinermi sanaartornermut immikkoortumut pilersaarut

Suliassaqarfii ataasiakkaat akornanni sanaartornermik suliassat piffissamut
ungasissumut pilersaarusiortugillu ataqatigiissaarnerisa pitsanngorsarnerisa
ilaattut Naalakkersuisut aalajangiussimavaat suliassaqarfii arlallit iluini
sanaartornermut immikkoortumut pilersaarusiortoqassasoq – ilaatinneqarluni
eggagassalerinermik suliassaqarfik. Eggagassalerinermi sanaartornermut
immikkoortumut pilersaarut eggagassalerinermut pilersaarutip ilaatut
isigineqassaaq, sammisaraalu eqqaaveqarfii iluini pisariaqartitsinerit.

Sanaartugassaqarfiup iluani eggagassalerinermi sanaartornermut
immikkoortumut pilersaarut iliuuseqarfissanik sisamanik suliassaqarfegarpoq:

1. Eqqakkat navianartut isumaginissaannut sanaartukkat
Anguniagaq: Eqqakkat navianartut annertusiartuinnartut
eqqortumik avatangiisinut tunngatillugu eqqagarinissaannut
tigooraasarfiit aqutugalugit tunniunneqartassaapput.
2. Anartarfinnik imaarsisarfiit
Anguniagaq: Anartarfinnit eqqagassat ingerlatsiviit akuerisat
aqutugalugit isumannaatsumik imartami avatangiisinut
eqqarneqartassapput.

3. Inissiisarfinnik nakkutigisanik sanaartornerit

Anguniagaq: Eqqaavissuit inissiisarfititut iluarsaanneqassapput, taakkulu imartap, nunap silaannaallu mingutsitaanissaat annikillisarfiarlugit isumannaatsumik ingerlanneqassapput.

4. Ikuallaasarfiit

Anguniagaq: Eqqakkanik ikuallaanermi mingutsitsineq annikillisitaq, nunani immitsinnut assersuutarisakkatsinni inissisimaffiup assinganut naapertuuttoq.

Eqqagassalerinermi sanaartornermut immikkoortumut pilersaarut 2015-ip qeqqani Naalakkersuisunit oqaluuserineqassasog naatsorsuutigineqarpoq. Oqaatigineqartutut kommunit kommunini eqqagassaait nalunaarsornerinik eqqagassalerinermullu pilersarusiornermik aallartitaqassapput. Kommunini eqqagassalerinermut pilersaarutit 2016-imi naammassineqarsimassapput. Kommunini eqqagassalerinermut pilersaarutit eqqagassalerinermi sanaartornermut immikkoortumut pilersaarutip kingornatigut iluarsaanneranni pingaarutilittut isumassarsiffiussapput.

Eqqagassalerinermik suliassaqarfiup iluani sanaartugassatut suliniutit piviusunngortissinnaanerannut naammattunik aningaasaliisinnaaneq tunngaviuvoq. 2015-imut Aningaasanut inatsisissatut siunnersuummi konto pingaarneq 77.05.08 Avatangiisini sanaartukkanut tapiissutini 14,4 mio. kr. missaannik aningaasaliissutit ilaapput. Eqqagassalerinermi sanaartornermut immikkoortumut pilersaarut takkuttussaq aningaaliissutit atornissaannut siunnersuutininik imaqarpoq.

Naggasiutitut oqaaseqaatit

Naggasiutigalugu sinaakkutit isumalluutillu pigineqartut aallaavigalugit eqqagassalerinermik pilersaarummi anguniagassat ilaannik atuutsitsilerniarneq angusaqarfiginiarlugu suliagarfiunera oqaatigineqarsinnaavoq. Taamaattorli annertunerpaamik avatangiisinit peqqissusermullu tunngasutigut sunniutegarnerpaanik suliniutinut isumalluutit pingaarnersiissaneri pingaartuuvoq. Eqqagassalerinermi sanaartornermut immikkoortumut pilersaarutikkut eqqagassanik suliagarnerup iluani sanaartugassaqarfiit pisariaqarnerpaat iluuseqarfigisariaqarnerpaallu sammisarineqalerput.

Tassunga erseqqissaavigineqassaaq eqqagassalerahuni suliassaqarfik kommunit suliassaqarfigimmassuk, kiisalu pilersaarummut tamarmiisumut aningaasaliinissamut siunnersuutininik eqqagassalerinermut pilersaarummut ilaasoqanngitsog, taamaattumillu pilersaarutip aningaasalersornissaanut tunngatillugu kommunit tapiissuteqarfiginissaannik isumaqatiginninniarnertit aqqutigalugit oqaloqatiginninneq pissaaq.

Taamaalilluni pilersaarummut tunngatillugu eqqagassalerahuni suliassaqarfiup iluani sanaartugassanut kikkut pingaarnersiissanerisa aalajangersarnissaat pingaartuuvoq.

Aammattaaq pilersaarummi siunnersuutaasutut iluarsiiisutininik innuttaasut, suliffeqarfiit suliagartuusullu allat atugaqartut eqqagassaaitiminnik

pilersaarummi akiliutegarlutik eqqagaqarnerisigut pilersaarutip ilaata atuisunit aningaasalersorsinnaanera aamma perusunnarsinnaavog.

Apeqqut b)-mut.

Dioxinimik annikillisaanermut iliuusissatut pilersaarusiariilersaakkamut nassuiaatip nassiunneqarnissaa ataatsimiititaliamit kissaatigineqarpoq, tassani iliuusissatut pilersaarusiariilersaakkami tunaartarisassat piffissalersuutit aamma nassuiaatigineqartariaqarput.

Akissut: Dioxinimut iliuusissautt pilersaarusiorneq eqqagassalerinermut pilersaaruterpiami anguniagassat ilaat 5-ip ataani suliatut ilaavog. Dioxinimik mingutsitsinerup annikillisinnissaa, ilanngullugit illoqarfinni ikuallaasarfinnit nunaqarfinnilu ikuallaasarfinnit dioxinimik aniatitaqarnerit annikillisinnissaat siunertaralugit dioxinimtu iliuusissatut pilersaarusiortoqassaaq.

Assersuutigalugit illoqarfinni ikuallaasarfiit nunani allani ikuallaasarfinnut aniatitanik piumasagaataasut assinginik piffissamut ungasissumut naapertuutsitsissapput. Nunatsinni ikuallaasarfinni BAT-imik (Bedst Tilgændelige Teknologimik – Teknologimik Pitsaanerpaamik Pissarsiarisinnaasamik) atuinikkut nunani nalinginnarmik immitsinnut assersuuffigisatsinni dioxinimut saffugassanullu oqimaatsunut assingusumik saliiarneq anguneqarsinnaassaaq.

Ukiamut siunnersortimik ikiortiseqarluni suliarpiap aallartisarnissaa Pinngortitamut, Avatangiisinut Inatsisinillu Atuutsitsinermut Naalakkersuisoqarfiup eqqarsaatigaa, aammalu 2015-ip naanerata nalaani dioxinimut iliuusissatut pilersaarummut allaqqaakkap pigilernissaa naatsorsuutigalugu.

16.15 Konto pingaarneq 89.72.11 Nammineq inissianik tapiissutitalimmik sanaartorneq

Erniat maannatut inissisimatillugit ineqarnermut taarsigassarsiarisat allanngortinneqarnissaa iluanaarutissartaqartoq ataatsimiititaliamit ilisimaneqarpoq. Inissiaatillip taarsigassarsiami ernialersuutitaqarnatillu akilersuutitaqanngitsut taarsigassarsianut ernialersugaasunut massakkorpiaq allanngortitsinissaanut pissutissaqarsorinangilaq. Pisuni amerlanerpaani taarsigassarsiat ukiut 15-it qaangiunneranni utertinneqartussanngorpata tamatumalu peqatigisaanik ernialersugaalerpata apeqqut aatsaat pinngorumaartoq ilimagineqartariaqarpoq.

Ataatsimiititaliap apeqqutaa ima paasineqassaaq; Naalakkersuisut suliasaqarfinni ineqarnermut tunngasutigut ungasissumut isigisumik anguniakkaminnik saqqummiussinissaa qinnutigineqartoq. Inissianik piginnittut arlalissuit, taarsigassarsiat ernialersuutitaqanngitsut naanerini, taarsigassarsiaminnik allanngortitsinnaanngitsut imaluunniit erniat annertuumik qaffassimanerat pissutigalugu akilersinnaasaminnik nutaanik taarsigassarsinnaanngitsut, taamaattumillu illuumminnik pinngitsaaliissummik akitsorterussisariaqartut paasinarsissagaluarpat inissianik niuerutiginninnerup siunissami ajalusoornissaa pinngitsoortinniarlugu qanoq iliuuseqartoqalersarpa?

Tamanna pillugu ersarissumik paatsuugassaangitsumillu nassuiaateqarnissaq ataatsimiititaliamit naatsorsuutigineqarpoq.

Akissut: Aallaqqaataanit 10/40/50-imik, malitsigisaatullu 20/20/60-imik aaqqiissutit imatut ilusilersorneqarput pisortanit taarsigassarsiat realkreddittimit taarsigassarsiat taarsernegareerpata akilersugaalissallutik – 10/40/50-imik aaqqiissutaasut aallartinneranni taamaallaat ukiunik 15-inik sivisussusilinnit realkreddittimik taarsigassarsiaqarpoq. Taamaalilluni realkreddittimik taarsigassarsiat taarsernegarnerisa pisortanillu taarsigassarsiat akilersugaalerfisa akornanni tullerissoqarpoq. Ukiut ingerlaneranni tamanna allanngortinnegarpoq realkreddittimik taarsigassarsiinermik ingerlatseqatigiiffiit piffissamat sivisunermut taarsigassarsiaqartitsisalermata – siullermik ukiuni 20-ni taarsigassarsiarisat, kingusinnerusukkut ukiuni 30-ni taarsigassarsiarisat.

Aningaaseriviit niuerfittut niuerfigisamik akiliisinnaassusaannik nalilersuisarput, tassaallutillu aningaasaliinissamik siunnersuisartut, niuerfigisat taarsigassarsinerminni pisussaaffimminnik naapertuutsitsinissaannik, taakkulu inigisaminni najugaqaannarnissaannik soqutigisaqartut. Piffissamissaaq ataasiusumi taarsigassarsiat tamaasa naafferartumik akilersugarisinnaanerannut tunngatillugu niuerfigisami aningaasaqarnerinik naliisarnertik pillugu aningaaseriviit aamma ilisimatitsisimapput. Aningaaseriviit niuernerni, 20/20/60-imik taarsigassarsiaqarfiusuni, aammalu taarsigassarsiat ukiut qulit iluini akiligassaaffianni immikkut ittumik sianiginnittuunerminnik aamma ilisimatitsisimapput. Taamaattumik aningaaseriviit niuerfigisaminnik pisariaqartitatut akiliisinnaassutsimik nalilersuisarnerat akiliisinnaassutsimullu tunngasunik siunnersuisarnerat Naalakkersuisut toqqissisimanartuutippaat.

16.16 Konto pingaarneg 89.72.12 Inissialiassat taartissanillu inissialiortiterneg Apeqqut h)-mut akissuteqarnissaq.

Kalaallit Nunaanni illoqarfinni anginerni tallimani piffissaq utaqqiffiusartuq pillugu skemanngorlugu takussutissiaq nassiunneqassasoq ataatsimiititaliamit Naalakkersuisunut qinnutigineqarpoq.

Akissut: A/S Inissiaateqarfik INI siusinnerusukkut paasissutissani nassiusanni agguaqatigiissitatut naatsorsuinerni kukkusogarsimaneranik 29. april 2015-imi ilisimatitsivoq, nalinginnaasumilli attartukkatut inissiamut utaqqiffiusartut maannakkut imatut naatsorsorneqarsimanerarpai (qaammatinngortillugit naatsorsukkat):

	Ini 1	Init 2	Init 3	Init 4	Init 5
Qaqortoq	15,2	17,5	9,9	2,5	7,2
Nuuk	73,1	108,3	53,0	43,5	27,4
Sisimiut	14,1	17,0	16,7	5,8	16,6
Aasiaat	14,3	23,0	19,6	11,2	13,7
Ilulissat	35,5	38,4	47,2	23,5	18,6

Ilanngussaq A (Eqqissisimatitsinermut Avatangiisinullu Ataatsimiititaliaq)
– apeqquut nr. 1:

Akissut: Konto pingaarneq 77.05.03-mi siunertamut naleqqiullugu upalungaarsimanermut atortuutit, illoqarfinni aqqaneq-marlunni upalungaarsimanermik pilersinneqarfusuni tassaarpiartut uuliakoornert sinerissamut qanittut mikinerusut naammaginaruusut Naalackersuisut isumaqarfigaat. Tamatuma saniatigut konto pingaarneq 73.01.01-imut allagarisatut nalunaarsuutikkut sineriammut qanittumi avatangiisinut upalungaarsimanermut atatillugu iliuuserisap matussusernissaanut aningaasatigut qularnaveeqqutinik 5 mio. kr. tikillugit Naalackersuisut pisinnaatitaaffearput.

Uuliakoornermut akiuinerumut atatillugu Naalackersuisut takorluugaat tassaavoq umiarsualinnut imaaliallaannaq qanissusilinni annikinnerusunik uuliakoornert isumaginissaannut sineriammut qanittumik avatangiisini upalungaarsimaffimmik ingerlalluurtumik peqarnissaq. Tamatumunnga ilaapput atortuutit nutarsarneqarsimassasut, aserfallatsaaliugaassasut, aammalu upalungaarsimanermik suliaqartut atortut atornerinut tunngatillugu pisariaqartitanik ilisimasaqassasut. Imartaqarfup iluani annertuumik mingutsitsisoqarnerani Imaani avatangiisit illersorneqarnissaat pillugu Inatsisartut peqqussutaat nr. 4, 3. november 1994-imeersoq malillugu Namminersorlutik Oqartussat Danmarki ikiorneqarnissaq pillugu qinnuigissavaat.

Ilanngussaq A (Eqqissisimatitsinermut Avatangiisinullu Ataatsimiititaliaq)
– apeqquut nr. 2:

Akissut: Puut pillugit nutaamik nalunaarummik akuersissoqassaneranut imaluunniit maannakkut atuuttup attatiinnassaneranut Naalackersuisut qaammarsaavigisamik tunngaveqarlutik inaarutaasumik isummersinnaanissaat sioqqullugu pissutsit arlallit sukumiisumik misissornissaat pisariaqartoq paasineqarsimavoq. Taamaalilluni assersuutigalugu suliffinnik annaasanik aammalu aqqissuussivinni nutaani aningaasaliinerni puut pillugit nutaamik nalunaarutip inuiaqatigiinnut qanoq akeqassaneranut kisitsinik nutarsakkanik suli pigisaqartoqanngilaq.

Ilanngussaq A (Eqqissisimatitsinermut Avatangiisinullu Ataatsimiititaliaq)
– apeqquut nr. 3:

Akissut: Eqqorpoq 2015-imi kontomi pingaarnermi aningaasaliissutissanik immikkoortitsisoqarsimanninnera. 2014-imulli naatsorsuutit naammassinerisa kingornatigut 2015-imi atorneqarsinnaasunik aningaasaliissutinik atorneqanngitsunik 30,815 mio. kr.-nik inissisimasoqarnera sianigegquneqassaaq. Taamaattumik 2015-imut aalisarnermik ineriartortitsinissamik agguassassani naammattunik aningaasaliissutissaqarneranik Naalackersuisut isumaqarput. AIS2015-ip pingajussaaneerneran ut 50.06.50-imut allannguutissatut siunnersuummik saqqummiussisoqarnissaa sianigegquneqassaaq, taamaalilluni 2014-ip

naanerani inississukkanut saldot 30,815 mio. kr.-unera takuneqarsinnaassalluni.

Ilanngussaq B (Sanaartornermut Ataatsimiititaliaq) – ataatsimiititaliamit nalumaarsugaasut Sanaartornermut Ataatsimiititaliamit nalumaarsugaasutaallaavigalugit tassunga pisariaqartitsisoqarnerani oqaaseqarfigineqarput/akissuteqarfigineqarput:

Konto pingaarneg 70.01.04 Sanaartornermi aqutsineq suliniutinullu aningaasartuutit

Akissut: Akinut assigiinngitsunut tunngatillugu pissutsit AIS2015-ip aappassaaneernerani allagarisatut nalunaarsuummut allannguutissatut siunnersuutikkut iluarsineqarput (allannguutissatut siunnersuut nr. 141).

Konto pingaarneg 72.20.05 Ilaasunik angallassinermut tapiissutit

Akissut: Mittarfiliornerni / mittarfiit allinerini taakku imatut pissaneri kiffartuussinermik isumaqatigiissutit akitigut, amerlassutsitsigut aamma/imaluunniit annertussutsitigut annikillisaaviginissaasa pingaartuutinnissaat Naalackersuisut uppersassavaat.

Taamatuttaaq kiffartuussinermik isumaqatigiissutissanik isumaqatiginninniarnernut takkuttusanut atatillugu isumaqatigiissutit pisariaqartitsinikkut attaveqarfinni siunissami allannguutinut naleqqussarsinnaassaneri pingaartuutinneqassasut.

Kiisalu kiffartuussinissamik isumaqatigiissutit imatut ilusilimmik isumaqatigiissutigineqarnissaat isumaqatigiissutit katitigaanerannut, akinut, kiisalu atuisartut akiliisarnernut tunngatillugu tamanik takunnissinnaanissamik pilersitsinissaq Naalackersuisut anguniagaraat, tassaavormi aningaasaliissutinut immikkoortitanut isumaqatigiissutit annertunerpaamik, pitsaanerpaamik akikinnerpaamillu angallassinermik pilersitsinissamik siunertaqarnermik takussutissinissaat immikkoortitatut anguniagarisaanera.

Konto pingaarneg 72.20.10 Usinik assartuineq

Akissut: Royal Arctic Line A/S-imi pisariillisaanermi iluanaarutitut paasisarisat malitseqartinneqassasut Naalackersuisut uppersassavaat. Tassunga atatillugu 2015-ip ingerlanerani RAL-ip suliffeqarfissua tamaat, tassungalu ilaasutut ingerlatseqatigiiffinnik annertunerusumik misissueqqissaarinissap aallartissarnissaata naatsorsuutiginera Naalackersuisut sianigeqqussavaat, tassani ilaatigut usinik assartuisarnermut tunngatillugu iluserisami pisariillisaanermi pitsaanerpaanngorsaanermilu iluanaarutaasinnaasunik paasisaqarniarnissaq siunertarineqarluni.

Namminersorlutik Oqartussat ingerlatseqatigiiffini allani tassunga assingusumik misissueqqissaarinissap pingaaruteqarsinnaanera itigartitsissutaassanngilaq – tassani ilaalluni Tele-Post. Maannakkorpiag Tele-Post naleqqussagaajuarpoq, maannakkut telemi suliassaqarfimmi namminersortunngorsaanermik ingerlassaq niuerfimmik Tele-Postimik

*pisariillisaasoqarnissaanik pitsaanerpaanngorsaanissamillu
nogqaassuteqarfummat. Tamatuma saniatigut Namminersorlutik Oqartussat
ingerlatseqatigiiffini pitsaanerpaanngorsaanissamut periarfissanik
misissueqqissaarinernik assingusumik ilusilimmik ingerlataqarnissamut
pisariaqartiisinerit Naalakkersuisut nalilersugariuassavaat.*

Inussiarnersumik inuulluaqqusillunga



Anda Uldum

Ilannugussaq:

Allakkat "Soraarnerussutisianik akileraartitsisarnermut tunngatillugu ilisimatitsissut"



Sulinermik inuussutissarsiutillit kattuffiit
ASK, NPK, PK/PPK, AK aamma IMAK

E-mail atorlugu uunga nassiunneqarpoq: asg@greenet.gl

Soraarnerussutisiat akileraaruserneqartarnerat pillugu ilisimatitsineq

13. april 2015
Suliap nr. 2013-087701
Dok. Nr. 1911873

Ulloq 13. februar 2015-imi ataatsimiinnermut innersuussilluni siunissami soraarnerussutisiat akileraaruserneqartarnerisa aqqissuunneqarnissaat pillugu nalunaarutigineqasaaq akileraartarnermut ministerip Benny Engelbrecht-ip Aningaasaqarnermut Naalakkersuisup Anda Uldum-ip saaffiginnissutaa akissuteqarfigereersimammagu pineqarluni aqqissuussinermik eqqussisoqarnissaa/eqqusseqqittoqarnissaa tassuuna Kalaallit Nunaat ullumikkut akileraarutitigut iluanaarutissanik annaasanik taarsiissuteqarfigineqartarluni.

Postboks 1037
3900 Nuuk
Oqarasuaat (+299) 34 50 00
Nassitsigasuaat (+299) 34 63
50
E-mail: oed@nanoq.gl
www.nanoq.gl

Akileraartarnermut ministerip kalaallit unammilligassaannut paasinninnini oqaatigaa, nalunaarutigaluguli, isumaqarani taamatut aqqiineq aaqutissaasoq atorneqarsinnaasoq. Akileraartarnermut ministerip oqaatigaa, nammineq ilisimasani naapertorlugu, danskit soraarnerussutisiani aqqissuussinerinut akiliisarnernut nunat allat ilanngaasissarnerat ilaanngitsaq. Ilanngullugu ministerip oqaatigaa, danskit soraarnerussutisiassanik neqerooruteqartartut akiliutinik ilanngaataasartussaangitsunik suliarinittarnerit ilisimasaqarfigigaat aammalu assersuutigalugu innersuussutigalugu, Savalimmiuni akiliutinut ilanngaataasartussaataitanerit atorunnaarsinneqarnikumata savalimmiuni aamma nunani allani soraarnerussutisiaqartarnikkut aqqissuussinerni.

Naalakkersuisunit aalajangiunneqarnikuuvoq, 2016-imi upernaakkut katersuunnermi siunnersuummik saqqummiussisoqassasoq, tassuuna pissarsiassanik annaasaanut illuatungiliisoqassalluni.

Aningaasaqarnermut Naalakkersuisoqarfiup inatsisiliornepup piareersarneqarnerata ilaatut aalajangiusimavaa suliffeqarnermi akuusunik aamma soraarnerussutisiaqartiitsisartunik ataatsimeeqateqarniarluni maj-ip ingerlanerani. Kingusinnerusukkut ataatsimiinnsamut aggersaasoqarumaarpoq.

Inussiarnersumik inuulluaqqusillunga
/Med venlig hilsen

Peter Beck